

四庫全書

經部

欽定四庫全書

經部

儀禮經傳通解續卷二十七下

詳校官尚書臣德保

給事中臣溫常綬覆勘

總校官進士臣繆珙

校對官助教臣羅萬選

謄錄監生臣趙興文

欽定四庫全書

儀禮經傳通解續卷二十七下

宋楊復撰

祭統下 祭禮十一下

天子將祭必先習射於澤澤者所以擇士也已射於澤而后射於射宮射中者得與於祭不中者不得與於祭不得與於祭者有讓削以地得與於祭者有慶益以地進爵紬地是也

中丁仲反下同與音預下同紬勅律反澤宮名也士謂諸侯朝者諸臣及所

貢士也皆先令習射於澤已乃射於射宮課中否也諸侯有慶者先進爵有讓者先削地朝直遙反令力呈反疏曰下經貢士云容體合禮其節比樂此經直云射中與不中不云容體及射節者文不具也云天子將祭必先習射於澤澤所以擇士也者澤是宮名於此宮中射而擇士故謂此宮為澤澤所在無文蓋於寬閑之處近水澤而為之也非唯祭而擇士餘射亦在其中故書傳論主皮射云嚮之取也於圓中勇力之取也今之取也於澤宮揖讓之取也見主皮之射亦近於澤也遜士於澤不射侯也但試武而已故司弓矢云澤共射樞質之弓矢鄭司農引此射義之文以釋之是知於澤中射樞質而已又鄭注云司弓矢云樹樞以為射正射甲與樞試弓習武也其主皮之射則張皮亦揖讓也有讓削以地有慶益以地者謂諸侯也又曰士謂諸侯朝者諸臣及所貢士也者以其助祭故知是此等之人前經論貢士與祭故知此經之士含貢士也云諸侯有慶者

先進爵有讓者先削地者此解經進爵紕地之文以經
之上文有讓削以地有慶益以地更總云進爵紕地據
有慶者先進爵有讓者先紕地進則爵輕於地故先進
爵而後益以地也退則地輕於爵故先削地而後紕爵
也

古者天子之制諸侯歲獻貢士於天子天子試之

於射宮其容體比於禮其節比於樂而中多者得與於
祭其容體不比於禮其節不比於樂而中少者不得與
於祭數與於祭而君有慶數不與於祭而君有讓數有

慶而益地數有讓而削地

比毗志反 歲獻獻國事之書及計偕物也三歲而貢士

舊說云大國三人次國二人小國一人 疏曰上經已云不得與於祭者削地得與於祭者益地此又重言者

前經論將祭擇士賞罰其士之身此經明諸侯貢士賞
罰所貢之君也諸侯歲獻者謂諸侯每歲獻國事之書
及獻計偕之物於天子也貢士於天子者諸侯三年一
貢士於天子也天子試之於射宮者言天子試此所貢
之士於射宮之中而中多者得與於祭者此謂大射也
又曰以經云歲獻貢士於天子恐歲獻之文只是貢獻
於士故云歲獻獻國事之書云及計偕物也者漢時謂
郡國送文書之使謂之為計吏其貢獻之功與計吏俱
來故謂之計偕物也偕俱也非但獻國事之書又俱獻
貢物故云及計偕物知歲獻國事之書者小行人云令
諸侯春入貢秋獻功注云貢六服所貢也功考績之功
也秋獻之若今計文書斷於九月其舊法也云三歲而
貢士者以經貢士之又繫歲獻之下恐每歲貢士故云
三歲而貢士也又知三歲者案書傳云古者諸侯之於
天子也三年一貢士一適謂之好德再適謂之賢賢三
適謂之有功有功者天子賜以衣服弓矢再賜以秬鬯

三賜以虎賁百人號曰命諸侯不云益地者文不具矣
書傳又云貢士一不適謂之過注云謂三年時也再不
適謂之教注云謂六年時也三不適謂之誣注云謂九
年時也一紂以爵再紂以地三黜而地畢注云凡十五
年鄭以此故知三歲
而貢士也射義

右擇士

小宰以灋掌祭祀之戒具

法謂其禮法也戒具戒官有事者所當共天官疏見

祭物總要

宰夫以式灋掌祭祀之戒具與其薦羞

薦脯醢也羞庶

羞內羞戒敕使共具之云與其薦羞者謂亦戒具之也

疏曰言式法者謂祭祀大小皆有舊法依而天官

司士凡祭祀掌士之戒令詔相其灋事

疏曰云凡祭祀掌士之戒

令者謂羣臣有事於祭祀皆掌其齊戒告令也云詔相其法事者謂告語并擯相其行禮之事夏官

大史大祭祀戒及宿之日與羣執事讀禮書而協事

合

也合謂習錄所當共之事也故書協作叶杜子春云叶協也書亦或為協或為汁叶音協汁音執又音協劉子集反疏曰戒及宿之日戒謂散齊七日宿謂致齊三日云與執事讀禮而協事者當此二日之時與羣執事預祭之官讀禮書而協事恐事有失錯物有不供故也春官

遂師凡國祭祀審其

誓戒

審亦聽也

疏曰祭冢宰職云大祭祀掌百官之誓戒大司寇涖誓百官并戒百族此官主審其誓

戒戒遂之民故不同也地官

條狼氏凡誓執鞭以趨於前且命之誓

大夫曰敢不關鞭五百誓師曰三百誓邦之大史曰殺

誓小史曰墨

大音泰注同 前謂所誓衆之行前也有司讀誓辭則大言其刑以警所誓也誓者

謂出軍及將祭祀時也出軍之誓誓左右及馭則書之甘誓備矣郊特牲說祭祀之誓曰卜之日王立于澤親聽誓命受教諫之義也師樂師也大史小史主禮之事者鄭司農云誓大夫曰敢不關謂不關於君也玄謂大夫自受命以出則其餘事莫不復請 疏曰誓自有大官若月令田獵司徒北面以誓之誓時此條狼氏則為之大言使衆聞知故云且命之又曰云謂出軍及將祭祀時也者若且命以上軍旅祭祀同有此事僕右四乘據軍旅時師與大史小史皆據祭祀時大夫敢不關亦據祭祀須關君是以鄭引甘誓證軍旅引郊特牲證祭祀也云甘誓備矣者案甘誓云左不攻于左汝不恭命右不攻于右汝不恭命馭非其馬之正汝不恭命用命貴于祖弗用命戮于社予則孥戮汝是其備也郊特牲者王將祭之時故云卜之日王立于澤謂在澤宮也澤

官者擇士可與祭者之官親自聽有司誓命此是受教
諫之義也師知是樂師者以其下有大史小史皆掌禮
禮樂相將故知之太師瞽人之長也玄謂大夫自受命
以出其餘事莫不復請言此者欲見受命出征相外之
事將軍裁之不須復請除此以外皆須請於君
乃得行事所以成先鄭未足之義也 秋官

右戒具

王即齊宮百官御事春即其齊三日王乃淳濯饗醴及

期鬱人薦鬯犧人薦醴王裸鬯饗醴乃行

注疏見備物
案盛條國

語周

膳夫王齊日三舉

鄭司農云齊必變食齊音
齋疏曰齊謂散瘳致齊齊

必變食故加牲體至二大牢齊
者不樂故不言以樂侑食也

玉府王齊則共食玉

玉是陽精之純者食之以禦水氣鄭司農云王齊當食玉屑疏曰謂王祭祀之前散齊七日致齊三日是時

則共王所食玉屑又曰知玉是陽精之純者但玉聲清清則屬陽又案楚語云王孫圉與趙簡子言曰玉足以

庇蔭嘉穀使無水旱之災則寶之珠足以禦火則寶之服氏云珠水精足以禁火如是則玉是火精可知云食

之以禦水氣者致齊時居於路寢思其笑語思其志意之類恐起動多故須玉以禦水氣也鄭司農云王齊當

食玉屑者其玉屑研之乃可食故云當食玉屑也天官鬯人凡王之齊事共其

秬鬯給泮浴泮七內反疏曰鄭知王齊以鬯為洗浴以其鬯酒非如三酒可飲之物大喪以鬯浴尸

明此亦給王洗浴使齊必有明衣布齊必沐浴浴竟之香美也春官即著明衣所以

明潔其體也以布為之此下脫前章寢衣一簡必有寢衣長一身有半齊主於敬不可

解衣而寢又不可著明衣而寢故別有寢衣其半蓋以覆足程子曰此錯簡當在齊必有明衣布之下愚謂如此則此條與明衣變食既得以類相從而

齊必變食

居必遷坐

變食謂不飲酒不茹葷遷坐易常處也

此

故致潔變以盡敬

論語鄉黨

玄冠丹組纓諸侯之齊冠也玄冠綦

組纓士之齊冠也

言齊時所服也四命以上齊祭異冠言齊者兼祭祀之時故曲禮云立

如齊謂祭祀時恐此齊亦兼祭祀故言齊時所服其祭諸侯則玄冕也云四命以上齊祭異冠者以諸侯玄冕祭玄冠齊孤則爵弁祭亦玄冠齊是齊祭異冠也必知孤亦玄冠齊者以諸侯尚玄冠齊明孤亦玄冠齊也其三命以下大夫則朝服以祭士則玄端以祭皆玄冠也此云玄冠綦組纓士之齊冠是齊祭同冠也其天子之

士與諸侯上大夫同故深衣目錄云士祭以朝服謂大夫之士也祭用朝服與諸侯大夫同然則天子大夫與諸侯孤同亦爵弁祭玄冠齊此是熊氏之說也皇氏以爲天子大夫與諸侯大夫同但朝服以祭便與鄭注四命以上齊祭異冠於文爲妨皇氏之說非也其天子之祭玄冕祭則玄冠齊絺冕祭則玄冕齊以次差之可知也此亦熊氏說此云四命齊祭異冠者謂自祭也若助祭於君則齊祭同冠故鄭志荅趙商問云以雜記云大夫冕而祭於公弁而祭於已爲三命以下齊祭異冠何但四命以上也觀注似若但施於已祭不可通之也鄭荅云齊祭謂齊時一冠祭時亦一冠四命乃然大夫冕士弁而祭於君齊時服之祭時服之何以亦異如鄭此言是助祭齊祭同冠故云何以亦異若然士之助祭齊服應服爵弁而鄭注旅賁氏云王齊服服衮冕則士之齊服服玄端不服爵弁者熊氏云若士助王祭祀服爵弁若助王受

朝覲齊祭則服玄端
義或然也 玉藻

周弁殷皐夏收

齊所服而祭也疏曰言齊及祭時所

服也若三命以下齊祭同冠四

齊則綰結佩而爵韞

命以上齊祭異冠

郊特性

齊側皆反注同綰側耕反

綰屈也結又屈之思神靈疏曰齊則綰結佩此謂總

包凡應佩玉之人非唯世子綰結佩綰屈也謂結其綬

而又屈上之也而爵韞者謂士玄端齊故爵韞韞也

而熊氏皇氏並謂諸侯以下皆以玄端齊而以爵韞為

韞同士禮以其齊故不用朱韞素韞也義或然也 玉

藻

司服齊服有玄端素端

注疏見備物祭服條

君羔臂虎植

臂音頁徐苦狄反植依注音直下同

臂覆苓也植讀

皆如直道而行之直直謂緣也此君齊車之飾 疏曰

苓即式也但車式以苓為之有豎者有橫者故考工記

注云櫜式之植者衡者也此云臂覆苓詩大雅韞韞淺

幘毛傳云幘覆式幘即帶也又周禮巾車作幘但古字耳三者同也知帶是覆苓者少儀云負良綏申之面施諸帶是也云植讀皆如直道而行之直者案論語云三代之所以直道而行故讀如之云此君齊車之飾者以大夫及士皆云齊車故知此君齊車之飾此經或有齊字者誤也若有齊字鄭不須此注皇氏云君謂天子諸侯也詩云淺幘以虎皮為幘彼據諸侯與玄衮赤舄連文則亦齊車之飾此用羔帶者當是異代禮或可詩傳謂之淺幘也

大夫齊車鹿辟豹植朝車士齊車鹿辟

豹植

臣之朝車與齊車同飾疏曰據此注言之則君之朝車與齊車異飾也但無文以見之玉藻

齊者不樂不弔

為哀樂則失正散其思也曲禮下

君子非致齊也非

疾也不晝夜居於內

內正寢之中

疏曰平常無事之時或出或入雖晝居於外亦有入

內雖夜居於內亦有出外時唯致齊與疾無問晝夜恒居於內故云非致齊也非疾也不晝夜居於內內正寢之中者恐內是燕寢故云正寢之中必知正寢者以其經云非致齊不居於內致齊在正寢疾則或容在內寢若危篤亦在正寢上文云晝夜於內問其疾可也不問齊者齊是為祭之事衆所共知不須問也此齊在內祭統云君致齊於外夫人致齊於內對夫人之寢為外內耳檀弓上

右齊 傳齊之為言齊也齊不齊以致齊者也是

故君子非有大事也非有恭敬也則不齊不齊則於物無防也嗜欲無止也及其將齊也防其邪物訖其嗜欲耳不聽樂心不苟慮必依於道手足不

苟動必依於禮專致其精明之德也故散齊七日

以定之致齊三日以齊之

注疏見祭義上祭統

子之所

慎齊戰疾

齊之為言齊也將祭而齊其思慮之不齊者以交於神明也誠之至與不至神

之饗與不饗皆決於此戰則衆之死生國之存亡繫焉疾又吾身之所以死生存亡者皆不可以不謹也尹氏曰夫子無所不謹弟子記其大者耳論語述而

季桓子將祭齊

三日而二日鍾鼓之音不絕冉有問於孔子子曰

孝子之祭也散齊七日慎思其事三日致齊而一

用之

積一而用之也

猶恐其不敬也而二日伐鼓何居焉

家語曲禮
公西赤問

七日戒三日宿慎之至也

戒散齊也宿致齊也

將有祭祀之事必先敬慎如此不敢切也疏曰祭義曰散齊七日致齊三日謂之宿者鄭注儀禮云宿是又戒宿之言肅肅敬之義也云不敢切也者以積漸敬慎不敢偏切也禮器

子曰雖有惡人齊戒沐浴則可以事上帝

惡人醜貌者也

尹氏曰此章戒人之喪善而勉人以自新也離婁下

莊子曰不飲酒不

茹葷此祭祀之齊也

荀子曰端衣玄裳綰而乘

路志不在於食葷

端衣玄裳即朝玄端也純與冕同鄭云端者取其正也士之衣

袂皆二尺二寸而廣幅是廣袂等也其袪尺二寸大夫已上侈之侈之者蓋半而益一焉則袂三尺

三寸袂尺八寸路王者之車亦車之通名舍人注爾雅云輅車之大者葦蔥薤之屬也哀公篇

齊之玄也以陰幽思也

疏曰解齊服所以用玄冠玄衣義也玄陰色鬼

神尚幽陰故齊者玄服以表心思幽陰之理故云陰幽思也

郊特牲

昏禮玄冕

齊戒鬼神陰陽也

玄冕祭服也陰陽謂夫婦也疏曰玄冕謂助祭服也著祭服

而齊戒親迎是敬此夫婦之道如事鬼神也

郊特牲

大古冠布齊則緇

之其緇也孔子曰吾未之聞也

大古無飾非時人緇也雜記曰大白

緇布之冠不緇大白即大古白布冠今喪冠也齊則緇之者鬼神尚幽闇也唐虞以上曰大古也疏曰大古之時其冠唯用白布常所冠也若其齊戒則染之為緇其緇也子未之聞也者以緇布之

冠古禮不合有綏而後世加綏故記者云其今世加綏非禮故引孔子之言云我未之聞也言未聞緇布冠有綏之事又曰大古無飾緇布冠無綏也云雜記曰大白緇布之冠不綏者孔子云吾未之聞是非駁時人加綏也引雜記文者證緇布冠無綏而玉藻云緇布冠纁綏則緇布冠有綏者皇氏云此經所論謂大夫士故緇布冠無綏諸侯則位尊盡飾故有綏也云大白即大古白布冠今喪冠也禮運云後世有絲麻雖絲麻同出尚質故用白布也云齊則緇之者鬼神尚幽闇也者謂祭前齊時著緇布冠正祭則著祭服有虞氏皇而祭是也云唐虞以上曰大古也者以下云三王共皮弁素積三王之前云大古故云唐虞以上曰大古與易之大古別也 郊特牲

鄉士大祭祀則各掌其鄉之禁令帥其屬夾道而蹕

夾古

洽反又古協反 屬中士以下 疏曰大祭祀若祭天

四時迎氣即於四郊並過六鄉路以是故各掌其鄉之

禁令當各帥其屬夾道而蹕知屬是中士以下 野廬氏

下者鄉士身是上士故云中士以下 秋官

凡國之大事比脩除道路者 比校治道者名若今次金

征伐巡狩田獵郊祀天地王親行所經並須脩除道路

及脩廬校比民夫使有功效故云比校治道者名也云

若今次金叙大功者謂漢時主役之官官名次金 掌凡

叙主以丈尺賦功今俗本多誤為次叙大功也

道禁 禁謂若今絕蒙布巾持兵杖之屬 疏曰 蜡氏

古時禁書亡故舉漢法而言也 同上

凡國之大祭祀令州里除不蠲禁刑者任人及凶服者

以及郊野 蠲古玄反舊音圭 蠲讀如吉圭惟饒之圭

潔也刑者黜削之屬任人司圜所收教罷民

也凶服服衰經也此所禁除者皆為不欲見人所藏惡也
饒昌志反罷音皮衰七雷反為于偽反歲紆廢反
惡為路反疏曰大祭祀謂郊祭天地郊外曰野大總
言也云蠲讀如吉圭惟饒之圭者毛詩云絜蠲為饒無
此言鄭從三家詩故不同云刑者黜削之屬者之屬中
含有官刑也云任人司圜所收教罷民也者經任人文
承刑者之下則罷民亦刑之類是以司圜云任之以事
是也凶服五服皆是故曰凶服服衰經也祭者皆齊齊
者絜靜不欲見穢惡也同上
銜枚氏國之大祭祀令禁無囂囂五羔

反令

令主祭祀者疏曰國之大祭祀謂天地宗廟令主祭
祀之官使禁止無得譴囂則不敬鬼神故也同上

射鳥氏祭祀以弓矢毆鳥鳶

毆起俱反鳥鳶善鈔盜便汗人夏官

右禁令

雞人大祭祀夜嘑旦以囂百官

嘑大吳反囂古弔反夜夜漏未盡雞鳴時也

呼且以警起百官使夙興疏曰漏未盡者謂漏未盡三刻已前仍為夜則呼旦也漏刻之義其挈壺氏凡

國事為期則告之時

象雞知時也告其有司主事者少牢曰宗人朝服北面曰請祭期主

人曰比於子宗人曰旦明行事告時者至此旦明而告之朝直遙反比毗志反疏曰引少牢曰者謂祭前

之夕宗人主禮官請主人祭期主人曰比於子者謂次比其日數時節由子則宗人也宗人即告期曰旦明

行事其實祭期由宗人宗人請主人者敬主人若不敢自由然故讓之也案庭燎詩注王有雞人之官凡國事

為期則告之以時王不正其官而問夜早晚非也案齊詩東方未明序云東方未明刺無節也朝廷興居無節

號令不時挈壺氏不能掌其職焉注云挈壺氏掌漏刻者彼不云雞人者案挈壺氏云凡軍事懸壺無告期之

事則天子備官挈壺直掌漏刻之節雞人告期彼
齊詩是諸侯兼官故挈壺氏兼告期也春官巾

車大祭祀鳴鈴以應雞人

雞人主呼旦鳴鈴以和之聲且警衆必使鳴鈴者車有和

鸞相應和之象故書鈴或作軫杜子春云當為鈴和胡卧反軫音零又音領疏曰云雞人主呼旦雞人職文案韓詩云升車則馬動馬動則鸞鳴鸞鳴則和應是車有和鸞相應之象故鳴鈴以應雞人同上

小宗伯祭之日告時于王告備于王

時薦陳之晚早備謂饌具疏曰陳

謂祭前陳饌於堂東薦謂薦之於神坐皆有晚早饌具即堂東前陳陳備即告告王祭時已至當行事也同上

右嘒旦為期

小宗伯大祭祀省牲眡滌濯祭之日逆盥省鑊

省本又作皆同

息井反下同眡音視滌亭歷反濯直角反盥音咨鑊戶郭反逆盥受饔人之盛以入省鑊視亨腥熟饔昌

志反亨普庚反

疏曰此云省牲眡滌濯省鑊與大宗

伯文同謂佐大宗伯其大宰省牲者察其不如法其迎

盥即大宗伯涖玉盥者是也大宗伯涖之小宗伯迎之

是相佐也其告時告備是其專職耳又曰知盥受饔人

之盛以入者案少牢饔饔在廟門之外明天子諸侯饔

饔亦在廟門之外今言迎盥明於廟門之外迎入向廟

堂束實之於簋簋也云省鑊視亨腥熟者案禮運云腥

其俎熟其般鄭云腥其俎豚解而腥之熟其般體解而

燭之此謂祭宗廟朝踐饋獻節彼下文更有體告時于

其大豕牛羊謂室中饋熟亦須鑊鄭不言略也

王告備于王

注疏見上為期條春官

宰夫從大宰而眡滌濯

疏曰

云從大宰而眡滌濯者上大宰職已云祀五
帝眡滌濯此宰夫又從大宰眡之也 天官 肆師眡

滌濯詔相其禮

相息亮反

疏曰謂祭前之夕

祭之日

表粢盛告潔展器陳告備

粢六穀也在器曰盛陳陳列也故書表為剽剽表皆謂微

識也

剽芳遙反或方遙反識式志反又昌志反

疏

曰云粢為稷者以稷為五穀之長其總而言之六穀皆

是粢故此經總云六穀為粢故鄭云粢六穀也粢食醫

和王六食黍稷稻粱麥苽六食即膳夫云六穀一物故

鄭云六穀也云皆藏識也者以剽表字雖不同俱是藏

識也識於六粢之上皆為藏識小旌書其黍稷之名以

表之餘饌不表獨此表之者以其餘器所盛名異覩器

則知其實此六穀皆簋盛稻粱簋盛黍稷皆有會蓋覆

之覩器不知其實故特

須表顯之也

春官

右省視

巾車王之五路一曰玉路錫樊纓十有再就建大常

十有二旂以祀

錫音陽樊步干反旂音留王在馬曰玉路以玉飾諸末錫馬面當盧刻金

為之所謂鏤錫也樊讀如鞶帶之鞶謂今馬天帶也鄭司農云纓謂當胸士喪禮下篇曰馬纓三就禮家說曰纓當胸以削革為之三就三重三匝也玄謂纓今馬鞅玉路之樊及纓皆以五采屬飾之十二就就成大常九旗之畫日月者正幅為綵旂則屬焉繫步干反重直龍反屬居例反綵所銜反又所康反屬音燭疏曰云王之五路此言與下為總目一曰已下析別言之云以祀者以下諸路皆非祭祀之事則是各外內大小祭祀皆用此一路而已又曰言王在馬曰路者謂若路門路寢路車路馬皆稱路故廣言之云王在馬曰路路大也

王之所在故以大為名諸侯亦然左氏義以為行於道路故以路名之若然門寢之等豈亦行於路乎云玉路以玉飾諸末者凡言玉路金路象路者皆是以玉金象為飾不可以玉金為路故知玉金等飾之言諸末者凡車上之材於末頭皆飾之故云諸末也云錫馬面當盧刻金為之者眉上曰錫故知當額盧案韓奕詩鉤膺鏤錫金稱鏤故知刻金為之故鄭引詩云所謂鏤錫也故詩毛傳亦云金鏤其錫鄭箋云眉上曰錫刻金飾之云樊讀如鞶帶之鞶者案易訟卦上九云或錫之鞶帶注云鞶帶佩鞶之帶但易之鞶謂鞶囊即內則云男鞶革是也此鞶謂馬大帶音字同故讀從之是以鄭即云馬大帶也先鄭云纓謂當胸引士喪禮下篇馬纓以削革為之賈馬亦云鞶纓馬飾在膺前十有二匝以毛牛尾金塗十二重後鄭皆不從之者以鞶為馬大帶明纓是夾馬頸故以今馬鞶解之也後鄭云玉路之樊及纓皆以五采蒨飾之者案爾雅釋言云鞶蒨也郭氏云毛鞶

所以為屬如是屬染毛為之鄭必知屬飾之者蓋以今時所見擬之必知用五采者案典瑞云鎮圭纁五采五就則知王者就飾用五采惟有小采以朝月者用三采耳纁籍五采即云五就則一采一匝為一就此中樊纁十二就之屬就數雖多亦一采一匝為一就如玉藻十二就然大常九旗之畫日月案司常云日月為常是也云正幅為纁者爾雅文知旂則屬焉者爾雅云纁帛繅練旒九纁旒用物不同旒又有數明知別屬可知也

春官

典路掌王及后之五路辨其名物與其用說

書

說反用謂將有朝祀之事而駕之鄭司農云說謂舍車也春秋傳曰鷄鳴而駕日中而說用謂所宜用疏曰上巾車已主王后之五路今此又掌之者以其冬官造得車訖以授巾車飾以玉金象之等其王及后所乘者又入典路別掌之又曰此經雖不言所用之處典路所掌還依巾車朝祀所用故鄭依巾車而言也先鄭所

引春秋者在左氏傳宣十二年楚與晉戰於郟之事云用謂所宜用者還是朝祀之等也若有大祭

祀則出路贊駕說

出路王當乘之贊駕說贊僕與趣馬也趣倉口反疏曰案上巾車玉

路以祀此云若有大祭祀則出路鄭云王當乘之惟出玉路也案下文大喪大賓客亦如之注云亦出路當陳之不言王乘之者以此惟云大祭祀則出路據王所乘之亦當陳之為華國下注云當陳之謂陳之以華國亦有當乘之法但大賓客王乘金路也其大喪亦無乘吉時路故注為陳之而說也知贊僕與趣馬者夏官大馭戎僕齊僕之等及趣馬之官主駕說故知所贊駕說者贊僕與趣馬也同上校人凡大祭

祀毛馬而頒之

毛如字劉莫報反毛馬齊其色也頒投當乘之疏曰凡大祭祀須馬從王

故知毛馬而頒之為齊其色者案毛詩傳云宗廟齊豪尚純也戎事齊力尚強也田獵齊足尚疾也爾雅亦云

雖據宗廟至於田獵軍旅既尚疾尚力亦尚色也故下
云凡軍事物馬而頒之是尚力也詩云四騏彭彭武王
所乘又云四鐵孔阜秦襄公以
田是齊色不專據宗廟夏官

司常日月為常交龍

為旂通帛為旌雜帛為物

旌之然反

通帛謂大赤從

飾其側白殷之正色凡旗之帛皆用絳謂大赤者巾車及明堂位皆用大赤也云從周正色無
飾者以周建子物萌色赤今旌旂通體盡用絳之赤帛
是知周之正色無他物之飾也云雜帛者以帛素飾其
側白殷之正色者殷以建丑為正物牙色白今用帛素
飾其側者明以先王正道佐職故兼用白雜之也云旗
之帛皆用絳者以周尚赤故也爾雅云纁帛縹也自大
常以下首皆有旄羽焉案夏采云乘車建綏復於四郊
注綏以旄牛尾為之綴於檣上王祀四郊乘玉路建大
常今以之復去其旒異於王又干旄詩牙牙干旄牙牙

千旌鄭彼注云周禮孤卿建旂大夫建物首皆注旂焉是其旌首皆有旄之明驗也序官夏采注云夏采夏翟羽色禹貢徐州貢夏翟之羽有虞氏以為綏後世或無故染鳥羽象而用之謂之夏采冬官鍾氏染鳥羽是也

王建大常諸侯建旂孤卿建旌大夫士建物

自王以下治民者旗

畫成物之象王畫日月象天明也諸侯畫交龍一象其升朝一象其下復也孤卿不畫言奉王之政教而已大夫士雜帛言以先王正道佐職也朝直遙反疏曰云自王以下治民者旗畫成物之象者謂自王以下至大夫士是也云王畫日月象天明也者聖人與日月齊其明故旌旗畫日月象之案桓二年臧哀伯云三辰旂旗昭其明也三辰日月星則此大常之畫日月者也此直言日月不言星者此舉日月其實兼有星也云諸侯畫交龍一象升朝一象下復也者以衣服不言交龍直云衮龍則衣服直有升龍無降龍以其天子之衣無日

月星直有龍龍有升龍降龍則諸侯不得與天子同故
直有升龍也至於天子旌旂有日月星辰故諸侯旌旗
無日月星故龍有升降也象升朝天子象下復還國也
云孤卿不畫者謂不畫異物赤帛而已云奉王之政教
而已者以其直有時王政教故云奉王之政教而已云大
夫士雖帛者謂中央亦旁邊白白是先王殷之正色而
在旁故云以先
王正道佐職也 凡祭祀各建其旗 王祭祀之車則玉路
之車則玉路者偏據王而言云乘玉路則建大常經云
各建其旗則諸侯已下所得路各有旗案上文諸侯建
旗大行人云建常九旒雖言常皆是交龍為旗散文通
故名旂為常孤卿則壇大夫則物故言各建其旗也
春 節服氏掌祭祀袞冕六人維王之大常 服袞冕者
官 維維之以縷王旌十二旒兩兩以縷綴連旁三人持之
禮天子旌曳地鄭司農云維持之 疏曰云服袞冕者

從王服也者以其節服氏者世能節王之衣服明節服所服與王同故云從王服也云維維之以縷者以其言維維是連綴之名故知用縷連綴之也云王旌十二旒者巾車云玉路建大常十有二旒經云六人維之明一畔有三人三人維六旒故知兩兩以縷連旁三人持之云禮天子旌曳地者禮緯文引之者若不遺維持之則旒曳地諸侯則四人其服亦如之疏曰依禮緯舍文嘉故也

旒曳地諸侯七仞九旒齊軫大夫五仞五旒齊較士三仞三旒齊首彼或異代法故旒不依命數周之諸侯之旌皆交龍為之上公九旒侯伯則七旒子男則五旒今總云四人則不得兩兩維之但一畔有二人分而維之見威儀耳云其服亦如之者節服氏之服亦與諸侯同諸侯唯二王後與魯得祭天服袞冕其餘諸侯唯得祭宗廟服玄冕節服氏皆與君同服故云其服亦如之夏官大馭掌馭玉路以祀

及犯輶王自左馭馭下祝登受轡犯輶遂驅之

輶蒲末反祝之

又反行山曰輶犯之者封土為山象以菩芻棘柏為神主既祭之以車轡之而去喻無險難也春秋傳曰跋涉山川自由也王由左馭禁制馬使不行也故書輶作罰杜子春云罰當為輶輶讀為別異之別謂祖道轡輶磔天也詩云載謀載載惟取蕭祭脂取羝以輶詩家說曰將出祖道犯輶之祭也聘禮曰乃舍輶飲酒于其側禮家說亦謂道祭跋蒲末反菩音負一音倍芻初俱反轡音厯難乃且反別彼列反下同磔陟格反羝丁兮反舍音釋疏曰此據祭天之時故有犯輶之事云及犯輶者出國門封土為山象祭輶王在左自馭馭下祝登受取王手之轡犯輶遂驅之而出又曰言行山曰輶者謂水行曰涉山行曰輶云封土為山象者鄭注月令祀行之禮為輶壇厚三寸廣五尺此道祭亦宜然云菩芻棘柏為神主者謂於三者之中但用其一以為神主則

可也云既祭之以車轅之而去喻無險難也者祭天在近郊雖無險難審慎故也出春秋傳曰者案襄二十八年子大叔云跋涉山川蒙犯霜露以逞君心是其行山曰較之事也子春讀較為別異之別者蓋取較訖行去之意引聘禮大夫道祭者無牲牢酒脯而及祭酌僕僕已又於勞飲酒餞別故云飲酒於其側也

左執轡右祭兩軹祭軌乃飲

軹音紙軌音犯故書軹為軌軌為範杜子春云文

當如此左不當重重非是書亦或如杜子春言又云軹當作軹謂兩軹也其或言較亦非是又云軹當作軹謂車前軹也或讀軹為簪筭之筭軹劉音雞重直龍反軹音衛軌當妮美反又音犯疏曰此云及祭酌僕者即上文將犯較之時當祭左右轂末及軹前乃犯較而去酌僕者使人酌酒與僕僕即大馭也馭則左執轡右手祭兩軹并祭軌之軹前三處訖乃飲飲者若祭末飲福酒乃始轅較而去又曰云謂兩軹者軹即轂末

云軌當為軛軛謂車軾前也者案少儀祭左右軌范乃
飲注云周禮大馭祭兩軛祭帆乃飲軌與軛於車同謂
軛頭也范與范聲同謂軾前也若然此云軛少儀作軌
軌與車徹之軌同名此云軌少儀云范同是軾前也

凡馭路行以肆夏趨以采薺

薺才私反

凡馭路謂五

謂大寢至路門趨謂路門至應門疏曰樂師亦有此
法彼下有車亦如之即上文行趨者據步迎賓客法此
既馭路亦云行趨者此雖馭路行趨遲疾唯步迎賓客
為法故雖車亦行趨也又曰此大馭惟馭玉路而云謂
五路者大馭雖馭玉路以經云凡所含廣則餘四路亦
准玉路為法故云五路也若然迎賓客唯乘金路餘四
路雖不用迎賓客至於乘車皆自內而出自外而入經
路寢及門故鄭據大寢為正也云肆夏采薺樂章也者
肆夏在鍾師與九夏同是樂章可知其采薺雖逸詩既
與肆夏同歌明亦樂章也知行謂大寢至路門趨謂路門

至應門者爾雅云堂上謂之行門外謂之趨行雖在堂亦人之行由堂始故發堂至門皆謂之為行故云行謂大寢至路門趨謂路門至應門也鄭注樂師云及入應門路門亦如之此注不言亦同於彼也若然應門外亦應有樂節但無文

凡馭路儀以鸞和為節

舒疾之法也

故鄭亦不言也

鸞在衡和在

軾皆以金為軻 軻音零 疏曰鄭知鸞在衡和在軾者鄭見韓詩傳云升車則馬動馬動則鸞鳴鸞鳴則和應乘車先馬動次鸞鳴乃和應明鸞近馬首和更近後故知鸞在衡和在軾也且案秦詩云輶車鸞鑣毛云鸞在衡鄭云鸞在鑣不從毛義者鄭以田車鸞在鑣乘車鸞在衡此云鸞在衡據乘車而言故也云皆以金為鈴者鼓人掌四金鈴則四金之類故知

用金為之乃可得有聲也

夏官

旅賁氏掌執戈

盾夾王車而趨左八人右八人車止則持輪

盾常準反又音允夾

古洽反劉古協反 夾王車者其下士也下士十有六
人中士為之帥焉 疏曰知夾王車是下士十六人者

見序官云旅賁氏中士二人下士十有六人此經左右
十六人故知旅賁氏之下士也中士是官首明為之帥

也 凡祭祀則服而趨 冕則此士之齊服服玄端 疏曰

知服而趨是夾王車者約上文夾王車而趨故知也云

王齊服袞冕者見下文節服氏云掌祭祀袞冕云此士

之齊服服玄端者若士助祭服 齊右掌祭祀前齊車

爵弁故齊服服玄端 同上 齊右掌祭祀前齊車

王乘則持馬行則陪乘 齊側皆反 乘劉繩證反 齊車

已駕王未乘之時陪乘參乘謂車右也齊右則齊僕同

車而有祭祀之事則兼玉路之右然則戎右兼田右與

齊車齊僕並側皆反 疏曰云前之者已駕王未乘

之時者曲禮曰僕執策立於馬前備驚奔謂未乘時此

儀禮經傳通解

亦未乘之時在馬前備驚奔也云陪乘者王與僕及車右為參乘也云齊右與齊僕同車而有祭祀之事則兼王路之右者齊僕同乘金路唯可據齊時今此經云祭祀不言齊明是兼祭祀乘玉路時為右可知也以其王路有五其右唯有齊右道右戎右三者不見祀右及田右祭祀時亦名齊田與戰伐俱用兵可以相通故知齊右兼玉路右戎右兼田右也

凡有牲事則前馬

王見姓則拱而

無正文故云與以疑之也

式居馬前卻行備驚奔也曲禮曰國君下宗廟式齊牛

拱居勇反卻音却

疏曰云王見牲則拱而式者凡

男子立乘前視五馬若有敬事則式式視馬尾當須端拱故云拱而式也居馬前卻行備驚奔也者以其王既拱而式是以齊右居馬前卻行備驚奔故也引西禮曰國君下宗廟式齊牛者案彼經云國君式宗廟下齊牛此所引不同者但宗廟尊宜下將彼經為誤故鄭改之依正而言也

夏官

右出路

師氏凡祭祀王舉則從

從才用反下同舉猶行也故書舉為與杜子春云當為與謂

王與祭祀之事

與音預

疏曰

祭祀則郊廟及山川

社稷總是也

王行之時

師氏則從

以王所在皆須詔王

以美道故也

又曰既訓舉為行

又引子春從

故書為與者亦義得兩通故亦引之在下也

四夷之隸各以其兵服守王之門外且蹕

兵服旃布弓

劍不同也

門

外中門之外蹕止行人不得迫王宮也

故書隸或作肆

鄭司農云讀為隸

疏曰云使其屬者屬即序官師氏中

大夫之下有屬官上士二人并有府史胥徒之等使此

人帥四夷之隸若秋官蠻隸之等各使四夷隸以其本

國之兵器及其服以守王之門外以衛王并使蹕止行

人故云且蹕也又曰云兵服旃布及弓劍者東方南方

儀禮經傳通解

卷一百一十五

通解

卷一百一十五

其服布其兵劍西方北方其服旃其兵弓矢云門外中門之外者案闔人掌中門之禁則中門內也人不得入明在中門之外地官保氏凡祭祀王舉則從使其屬守王闈

闈宮中之巷門疏曰其屬守王闈者亦謂在國其師氏守中門外此保氏守王闈門同上大僕

祭祀正王之服位詔灋儀詔告也疏曰服祭服也王之吉服不一隨所祭而衣之

位立處也升降行事皆有位處大僕親近王所之官故須正之并詔告其法度威儀王出入則自

左馭而前驅前驅如今道引也道而居左自馭不參乘辟王也亦有車右焉乘繩證反辟音避

劉符亦反疏曰云王出入者謂朝覲凡祭祀巡狩征伐皆是大僕則在車左不敢使人馭自馭而前驅也若使人馭馭在中央身無事居左大尊故自馭也知亦有車右者以車右恐車傾覆備非常雖無尊者亦宜有車

右勇力者也
夏官

小臣大祭祀沃盥

疏曰云大祭祀沃盥者大祭祀天地宗

廟皆是王將獻尸先盥手洗爵乃酌獻故小臣為王沃盥盥手也

小祭祀掌事如大僕

之灋

同上

御僕大祭祀相盥而登

相盥者謂奉槃授巾與登謂為王登牲體

於俎特牲饋食禮主人降盥出舉人乃匕載奉芳勇反為于偽反疏曰上小臣云沃此又云盥明是奉槃授巾以其少牢特牲尸盥時有奉槃授巾之事故云也以無正文故云與以疑之也云登謂為王登牲體於俎者以其文承祭祀之事故引特牲匕載載即登牲體於俎也

夏官

大祝辨九摯一曰

稽首二曰頓首三曰空首四曰振動五曰吉摯六曰凶

摯七曰奇摯八曰褒摯九曰肅摯以享右祭祀

摯音拜稽首

拜頭至地也頓首拜頭叩地也空首拜頭至手所謂拜手也吉拜拜而後稽顙謂齊衰不杖以下者言吉者此殷之凶拜周以其拜與頓首相近故謂之吉拜云凶拜稽顙而後拜謂三年服者杜子春云振讀為振鐸之振動讀為哀慟之慟奇讀為奇偶之奇謂先屈一膝今雅拜是也或云奇讀曰倚倚拜謂持節持戟拜身倚之以拜鄭大夫云動讀為董書亦或為董振董以兩手相擊也奇拜謂一拜也褒讀為報報拜再拜是也鄭司農云褒拜今時持節拜是也肅拜但俯下手今時禮是也介者不拜故曰為事故敢肅使者玄謂振動戰栗變動之拜書曰王動色變一拜答臣下拜再拜拜神與尸享獻也謂朝獻饋獻也右讀為侑侑勸尸食而拜禮於至反為事于偽反使所史反朝直遙反疏曰此九拜之中四種是正拜五者逐事生名還依四種正拜而為之也一曰稽首二曰頓首三曰空首此三者相因而為之空首者先以兩手拱至地乃頭至手是為空首也以其

頭不至地故名空首頓首者為空首之時引頭至地首
頓地即舉故名頓首一曰稽首其字稽留之稽頭至地
多時則為稽首也此三者正拜也稽首拜中最重臣拜
若之拜二曰頓首者平敵自相拜之拜三曰空首拜者
君答臣下拜知義然者案哀十七年公會齊侯盟于蒙
孟武伯相齊侯稽首公則拜齊人怒武伯曰非天子寡
君無所稽首公如晉孟獻子相公稽首知武子曰天子
在而君辱稽首寡君懼矣孟獻子曰以敝邑介在東表
密邇仇讎寡君將若是望敢不稽首郊特牲曰大夫之
臣不稽首非尊家臣以避君也如是相禮諸侯于天子
臣于君稽首禮之正然諸相於大夫之臣及凡自敵者
皆當從頓首之拜也如是差之君拜臣下當從空首拜
其有敬事亦稽首故大誓云周公曰都懋哉予聞古先
哲王之格言以下天子發拜手稽首是其君于臣稽首
事洛誥云周公拜手稽首朕復于明辟成王拜手稽首
公不敢不敬天之休者此即兩相尊敬故皆稽首九曰

肅拜者拜中最輕唯軍中有此肅拜婦人亦以肅拜為正其餘五者附此四種正拜者四曰振動附稽首五曰吉拜附頓首六曰凶拜亦附稽首七曰奇拜附空首八曰褒拜亦附稽首以享侑祭祀者享獻也謂朝踐獻尸時拜侑侑食侑勸尸食時而拜此九拜不專為祭祀而以祭祀結之者祭祀事重故舉以言之又曰稽首拜頭至地頓首拜頭叩地也者二種拜俱頭至地但稽首至地多時頓首至地則舉故以叩地言之謂若以首叩物然云空首拜頭至手所謂拜手也者即尚書拜手稽首云吉拜拜而後稽顙謂齊衰不杖以下者此謂齊衰已下表拜而云吉者對凶拜為輕此拜先作頓首後作稽顙稽顙還是頓首但觸地無容則謂之稽顙云齊衰不杖以下者以其杖齊衰入凶拜中故雜記云父在為妻不杖不稽顙明知父沒為妻杖而稽顙是以知此吉拜謂齊衰不杖已下云言吉者此殷之凶拜者案檀弓云拜而後稽顙顙乎其順也稽顙而後拜順乎其至也三年

之喪吾從其至者鄭注云自期如殷可言自期則是齊
衰不杖以下用殷之喪拜故云此殷之凶拜也云周以
其拜與頓首相近故謂之吉拜者言相近者非謂文相
近是拜體相近以其先作頓首後作稽顙顙稽顙還依頓
首而為之是其拜體相近以其約義故言云以疑之云
凶拜稽顙而後拜謂三年服者此雜記云三年之喪即
以喪拜非三年喪以其吉拜又檀弓云稽顙而後拜頓
乎其至孔子云三年之喪吾從其至者若然上吉拜齊
衰不杖已下則齊衰入此凶拜中鄭不言之者以雜記
云父在為妻不杖不稽顙父卒乃稽顙則是適子為妻
有不得稽顙時故略而不言但適子妻父為主故適子
父在不稽顙顙則衆子為妻父在亦稽顙不據衆子當稽
顙者據雜記成文杜子春云振讀為振鐸之振者讀從
小宰職振木鐸于朝之振云動讀為哀慟之慟者謂從
孔子哭顏回哀慟之慟云奇讀為奇耦之奇者謂從郊
特牲鼎俎奇籩豆耦之奇已上讀字後鄭皆從之云先

屈一膝今雅拜是也或云奇讀曰倚倚拜謂持節持戟拜身倚之以拜此二者後鄭皆不從之鄭大夫云動讀為董書亦或為董振之董者此讀從左氏董之以威是董振之董云以兩手相擊此後鄭皆不從云奇拜謂一拜也一拜者謂君拜臣下案燕禮大射有一拜之時若答一拜後鄭從之云褒讀為報報拜謂再拜是也後鄭亦從鄭司農云褒拜今之持節拜是也者後鄭不從云肅拜但俯下手今時擡是也案儀禮鄉飲酒賓客入門有擡入門之法持手曰揖引手曰擡云介者不拜故曰為事故敢肅使者案成十六年晉楚戰于鄢陵楚子使工尹襄問卻至以弓卻至見客免胄承命又云不敢拜命注云介者不拜入云若命之辱為事故敢肅使者三肅使者而退是軍中有肅拜法案成二年鞏之戰獲齊侯晉卻至投戟逡巡再拜稽首軍中得拜者公羊之義將軍不介胄故得有拜法玄謂振動戰栗變動之拜書曰王動色變案中候我膺云季秋七月甲子赤雀銜丹

書入鄧至昌戶再拜稽首受案今文大誓得火鳥之瑞
使上附以周公書報誥於王王動色變雖不見拜文與
文王受赤雀之命同為稽首拜也云一拜答臣下拜再
拜拜神與尸此二者增鄭大夫之義知再拜拜神與尸
者案特牲禮祝酌奠於鉶南主人再拜祝在左也再拜
於尸謂獻尸尸拜受主人拜送是也天子諸侯亦當然
或解一拜答臣下亦據祭祀時以其宴禮君答拜臣或
再拜時故也云亨獻也謂朝獻饋獻也者以祭祀二灌
之後唯有朝踐饋獻稱獻故知亨獻據朝踐饋獻時也
云右讀為侑侑勸尸食而拜者案特牲尸食祝侑主人
拜少牢主人不言拜侑故
知侑尸時有拜春官
事又從大宰助王也疏曰案大宰職云祀五帝贊玉
幣爵今此又云祭祀贊此三者謂小宰執以授大宰
大宰執以授王是相贊助故
云又從大宰助王也天官
射人祭祀相孤卿大夫

之灋儀

夏官

司士凡祭祀掌士之戒令詔相其灋事

疏曰

云凡祭祀掌士之戒令者謂羣臣有事於祭祀皆掌其齊戒告令也云詔相其法事者謂告語并擯相其行禮之事

夏官

肆師祭之日相治小禮誅其慢怠者

疏曰云相治小

禮者謂羣臣行事則肆師相治之云誅其慢怠者謂執事之人有惰慢懈怠者則誅責之凡祭祀禮

成則告事畢

春官

大史大祭祀祭之日執書以次位

常謂校呼之教其所當居之處疏曰言執書者謂執行祭祀之書若今儀注以次位常者各居所掌位次

常者此禮一定常辯事者攷焉不信者誅之謂抵冒其職事

疏曰

此謂助祭之人大史掌禮知行事得失所行儀注謂之事則與人考焉抵冒職事詐欺不信者刑誅之同

上

右臨祭

記凡祭於室中堂上無跣燕則有之

跣

典反祭不跣者主敬也燕則有跣為歡也天子諸侯祭有生尸於堂之禮祭所尊在室燕所尊在堂將燕降說屨乃升堂為于偽反說屨吐活反疏曰凡祭於室中堂上無跣者凡祭祀天子至士悉然也跣說屨也下大夫及士陰陽二厭及燕尸皆於室中上大夫陰厭及祭在室若賔尸則于堂天子諸侯則有室祭有堂祭禮主敬故凡祭在室中者非唯室中不說屨堂上亦不敢說屨故云凡祭於室中堂上無跣燕則有之者有之謂堂上有跣也燕禮主歡故得說屨而升堂坐也燕禮云賔及卿大夫皆說屨升就席注云凡燕坐必說屨屨賤不在堂也禮者尚敬敬多則不親燕安坐相

親之心又曰祭不跣者主敬也者跣謂說屨坐而相親祭禮主敬不敢私自相親故云祭不跣者主敬也云天子諸侯祭有坐尸於堂之禮者朝事延尸於戶外故坐尸於堂若卿大夫以下祭禮於室無坐尸於堂也云祭所尊在室者以經云凡祭於室中堂上無跣故辨之也此則貴賤通故卿大夫士正祭饋食並在室中而天子諸侯雖朝事延尸於戶外非禮之盛節初入室灌及饋食之時事神大禮故云祭所尊在室云燕所尊在堂者於燕禮文無在室唯在堂行禮初時立而致敬故云燕所尊在堂云將燕降說屨乃升堂者燕禮文也少儀

保氏教國子六儀一曰祭祀之容

少儀云祭祀之容濟濟皇皇祭

祀之美齊齊皇皇

美音儀齊齊皇皇讀如歸往之往美當為儀字之誤也疏曰齊齊皇皇

者皇讀為歸往之往皇氏云謂心所繫往孝子祭祀威儀嚴正心有繫屬故齊齊皇皇然其言語及威儀皆當如此又曰云美當為儀者以保氏云教國子六儀一曰祭祀之容容即儀也故知美皆當為儀少儀

祭祀之志諭然思以和祭祀之容遂遂然粥粥然敬以

婉祭祀之視視如有將祭祀之言文言有序

賈誼容經

臨

祭不惰

為無神也疏曰臨祭不惰者祭如在故臨祭須敬不得怠惰故鄭注云為無神也鬼神享德

祭若怠惰則神不敬是無神也既謂其不敬亦是無神之心也曲禮上

祭事不言凶

曲禮

下凡祭容貌顏色如見所祭者

如覩其人在此疏曰凡祭謂諸祭也容

貌顏色如見所祭者容貌恭敬顏色溫和如似見所祭之人謂祭如在也玉藻

右容貌

記祭如在祭神如神在

程子曰祭祭先祖也祭神祭外

神也祭先主於孝祭神主於敬愚謂此門人記孔子祭祀之誠意

子曰吾不與祭

如不祭

與去聲又記孔子之言以明之言已當祭之時或有故不得與而使他人攝之則

不得致其如之誠故雖已祭而此心缺然如未嘗祭也范氏曰君子之祭七日戒三日齊必見

所祭者誠之至也是故郊則天神格廟則人鬼享皆由已以致之也有其誠則有其神無其誠則無其神可不謹乎吾不與祭如不祭誠為實禮為虛也論語八佾

仲尼嘗奉薦

而進其親也慤其行也趨趨以數

趨音促數色角反徐音速

秋祭也親謂身親執事時也慤與趨趨言少威儀也趨讀如促數之言速也疏曰奉薦而進其親

也慤者慤謂質慤謂仲尼奉薦進尸之時其身執事其形貌慤質少威儀其行也趨趨以數者其行步促促速疾少威儀舉足而數也

已祭子贛問曰子之言祭濟濟

漆漆然今予之祭無濟濟漆漆何也子曰濟濟者

容也遠也漆漆者容也自反也容以遠若容以自

反也夫何神明之及交夫何濟濟漆漆之有乎

上容

也口白反賓容也容以遠同下容也羊凶反儀容也容以自反同漆漆讀如朋友切切自反猶言

自脩整也容以遠言非所以接親親也容以自反言非孝子所以事親也及與也此皆非與神明交

之道反饋樂成薦其薦俎序其禮樂備其百官君子

致其濟濟漆漆夫何恍惚之有乎

樂成音岳又五教反恍惚往反

一音荒

天子諸侯之祭或從血腥始至反饋是

進孰也薦俎

豆與俎也恍惚思念益深之時也言

祭事既備使百官助已祭然而見

表言豈一端而

其容而自反是無恍惚之思念

已夫各有所當也

當丁浪反 宣一端言不可以一槩也禮各有所當行祭宗廟

者賓客濟濟漆漆主人

慤而趨趨

疏見祭義

小祝大祭祀逆尸沃尸盥贊隋

隋尸之祭也 疏曰逆尸者為始祭迎尸祭義

云樂以迎來是也云沃尸盥者尸尊不就洗染特牲少

牢尸入廟門盥於盤其時小祝沃水云贊隋者案特牲

少牢尸始入室拜安尸尸隋祭以韭菹孺于醢以祭於

豆間小祝其時贊尸以授之又曰主人受尸酢時亦有

隋祭但此經贊隋文承逆尸沃尸 舉犖角詔安尸安

之下故隋是尸之祭也 春官 坐也尸始入舉奠犖若奠角將祭之祝則詔主人拜安

尸使之坐尸即至尊之坐或時不自安則以拜安之也 天子奠犖諸侯奠角 疏見宗廟及祭義 其有折俎者取祭反之不坐燔

亦如之 燔音煩 亦為柄尺之類也 燔炙也 鄉射曰賓 奠爵于薦西興取肺生絕祭左手齊之興加于

俎坐悅手 齊才細反悅始銳反 疏曰折俎謂折骨 於俎俎既有足柄尺之類故就俎取所祭肺立而取之

升席坐祭祭訖反此所祭之物加之於俎皆立而為之 故云取祭反之不坐唯祭時坐耳 燔亦如之者燔謂燔

肉雖非折骨其肉在俎其取及祭 尸則坐 尸尊也 少牢 反時皆亦不坐故云燔亦如之 饋食禮曰尸

左執爵右兼取肝肺搯于俎鹽振祭齊之加于菹豆 食音嗣搯而專反又而悅反耳誰反 疏曰尸則坐者

前云不生者是賓客耳若為尸尸尊雖折俎初取祭反之皆坐也又曰引少牢饋食禮者證尸坐之義前注引卿射禮云賓奠爵于薦西興取肺云興則立也此引少牢禮云尸坐執爵右兼取肝肺不云興故知尸則坐菹豆盛菹之豆也

少儀

大祝辨九祭一曰命祭二曰衍祭三曰炮

祭四曰周祭五曰振祭六曰擣祭七曰絕祭八曰繅祭

九曰共祭

杜子春云命祭祭有所主命也振祭振讀為慎禮家讀振為振旅之振擣祭擣讀為虞芮

之芮鄭司農云衍祭美之道中如今祭殤無所主命周祭四面為生也炮祭燔柴也爾雅曰祭天曰燔柴擣祭以肝肺菹擣鹽醢中以祭也繅祭以手從肺本循之至于末乃絕以祭也絕祭不循其本直絕肺以祭也重肺賤肝故初祭絕肺以祭謂之絕祭至祭之末禮殺之後但擣肝鹽中振之擬之若祭狀弗祭謂之振祭特牲饋

食禮曰取俎擣于醢祭于豆間鄉射禮曰取肺坐絕祭鄉飲酒禮曰右取肺左卻手執木坐弗繅右絕末以祭小牢曰取肝擣于鹽振祭玄謂九祭皆謂祭食者命祭者玉藻曰君若賜之食而君客之則命之祭然後祭是也衍字當為延炮字當為包釐之誤也延祭者曲禮曰客若降等執食與辭主人興辭於客然後客坐主人延客祭是也包猶兼也兼祭者有司曰宰夫贊者取白黑以授尸尸受兼祭于豆祭是也周猶偏也偏祭者曲禮曰殷之序偏祭之是也振祭擣祭本同不食者擣則祭之將食者既擣必振乃祭也絕祭繅祭亦本同禮多者繅之禮略者絕則祭之共猶授也王祭食宰夫授祭孝經說曰共綏執授疏曰此九祭先鄭自周祭已上皆是祭鬼神之事振祭已下皆是生人之祭食之禮後鄭不從之者祭天神地祇人鬼大宗伯辨之大祝不須別列且生人祭食不合與祭鬼神同科故皆以為生人祭食法又曰杜子春云命祭祭有所主命也者凡祭祀天子諸侯木

主大夫士有幣帛主其神會子問以幣帛皮圭以為主
命當主之處此子春之意亦當以幣帛謂之主命但此
經文皆是祭食法不得為主命故後鄭不從之又讀振
為慎或為振旅之振或讀孺為虞芮之芮此讀皆無義
意故後鄭皆不從之鄭司農云衍祭羨之道中如今祭
殤無所主命者此據生人祭食法而云如今祭殤故後
鄭亦不從之云周祭四面為坐也謂若祭百神四面各
自為坐炮祭燔柴以其炮是燔燒之義故為燔柴祭天
此皆生人祭食法非祭鬼神故後鄭亦不從之云孺祭
以肝肺菹孺鹽醢中以祭也者案持牲少牢隋祭之時
皆有以菹孺醢中以祭主人獻尸時賓長以肝從尸以
肝孺鹽中以祭故先鄭云以肝肺菹孺鹽醢中以祭彼
無云用肺孺鹽醢中先鄭連引之耳案彼肝孺鹽中以
振祭齊之加于所俎此則是振祭司農云以初時孺于
鹽即同孺祭解之於義不可云繚祭以手從肺本循之
至于末乃絕以祭也者此據鄉飲酒而言云絕祭不循

其本直絕肺以祭也者據鄉射而言云重肺賤肝故初祭絕肺以祭謂之絕祭至祭之末禮殺之後但擩肝鹽中振之擬之若祭狀弗祭謂之振祭云重肺者此繇祭絕祭二者皆據肺而言周貴肺故云重肺云賤肝者司農意上云以肝擩于鹽據特牲少牢尸食後賓長以肝從之意云故初祭絕肺以祭謂之絕祭者此絕祭依特牲少牢無此絕祭之事於義不可云至祭之末禮殺之後但擩肝鹽中振之擬之若祭狀者此還據少牢擩肝祭而云若祭狀弗祭於義不可引特牲饋食禮曰取菹擩于醢祭于豆問者此據按祭而言也引鄉射禮及鄉飲酒禮證有絕祭之事引少牢禮證有振祭之事此先鄭所引四文後鄭皆從故增成其義但先鄭所引特牲少牢皆據一邊而言案特牲少牢皆擩祭振祭兩有玄謂九祭皆謂祭食者謂生人將食先以少許祭先造食者故謂之祭食命祭引玉藻彼注云侍食不祭其侍食之人而若賓客之雖得祭待君命之祭然後祭是命祭

也云衍字當為延炮字當為包者衍與炮於義無所取故破從延與包延祭者曲禮曰賓若降等執食與辭鄭彼注云辭者辭主人之臨已食若欲食於堂下然云有司曰宰夫贊者取白黑以授尸者彼注云白謂稻黑謂黍又引曲禮曰殷之序徧祭之是也者凡祭者皆盛主人之饌故所設殷羞次第徧祭案公食大夫唯魚腊酒醬不祭以其薄故也其餘皆祭故謂之周祭云振祭擣祭本同者皆擣但振者先擣後振擣者不振言不食者擣則祭之者特牲少牢皆有按祭按祭未食之前以菹擣于醢祭于豆間是不食者擣則祭之云將食者既擣必振乃祭也者特牲少牢皆有主人獻尸賓長以肝從尸右取肝擣于鹽振祭齊之加于菹豆是謂振祭言將食者振訖齊之是將食也云絕祭繚祭亦本同者同者絕之但絕者不繚繚者亦絕故云本同云禮多者繚之者此據鄉飲酒鄉大夫行鄉飲酒賓賢能之禮故云禮多則繚之法即司農所引右取肺已下是也云禮略者

絕則祭之者此據鄉射州長射則士禮故云禮略者絕則祭之祭法即上先鄭所引鄉射禮取肺坐絕祭是也云共猶授也王祭食宰夫授祭者此則膳夫職云王祭食則授是也不謂之膳夫而謂之宰夫者據諸侯是宰夫云孝經說曰共綏執授者謂將綏祭之時共此綏祭以授尸引之者證共為授春官君與尸行接武尊者尚徐蹈半迹之義也者明貴賤與尸行步廣狹不同也君天子諸侯也武迹也接武者二足相躡每蹈於半未得各自成迹故云接武也尊者舒遲故大夫繼武迹相及也疏曰大夫繼君及尸並步遲狹大夫繼武武者謂大夫與其尸行時繼武者謂兩足迹相接繼也大士中武迹間容迹疏夫漸卑故與尸行步稍廣速也士中武曰士中武者謂士與其尸行也中猶間也每徙足間容一足地乃躡之也士極卑故及尸行步極廣也徐趨皆用

是

君大夫士之徐行也皆如與尸行之節也疏曰徐趨皆用是者徐趨皆遲行也皆皆於君大夫士也是

此也言皆用此與尸行步之節玉藻

右尸出受祭傳古者尸無事則立有事而后坐

也

古謂夏時也疏曰古者尸無事則立有事而后坐也者古夏時也夏立尸唯有飲食之事時

乃坐若無事則倚立也由世質故耳郊特牲

三代之禮一也民共由

之或素或青夏造殷因

一也俱趨誠也由用也素尚白青尚黑者也言所尚

雖異禮則相因耳孔子曰殷因於夏禮所損益可知也周因於殷禮所損益可知也變白黑言素青者秦二世時趙高欲作亂或以青為黑以黑為黃民言從之至今語猶存也疏曰三代之禮一也

者謂三代所行之禮雖別一皆趨於至誠故云一也民共由之者由用也非唯君行禮用誠如一也民亦共用誠如一也或素者前明三代雖異而俱用誠是同此述其迹異也或素尚白也尚白殷世之禮也或青者尚黑夏世之禮也然夏先殷後今先云或素者記是周時今欲見周因於殷殷因於夏禮也夏造者往來之禮雖同而先從夏始故云夏造也殷因者因於夏禮而用之故云殷因也又曰一也俱趨誠也文承上經禮三百曲禮三千其致一也一謂至誠故知此一亦至誠也云青尚黑者也者夏以十三月為正於時草之萌芽變白而青也夏正尚黑故知青謂黑也云秦二世時趙高欲作亂或以青為黑黑為黃氏言從之至今語猶存也者案史記秦二世名胡亥於時丞相趙高欲殺二世未知人從已否乃指鹿為馬人畏趙高皆稱鹿為馬是其事也其以青為黑以黑為黃即鹿馬

之類也鄭去胡亥既近相傳知之此作記之人在胡亥之後故云或素或青若王肅之說則異於此故家語云夏后氏水德而王色尚黑周以水德王色尚黃舜以土德王色尚青聖證論王肅以為夏同堯皆尚其紫色舜土德王尚白而尚青者土以生為功東方生物之始故尚青土既尚青水則辟之青而用白也故殷是水德而尚白王肅此說與檀弓緯候文乖不可用也周坐尸詔

侑武方其禮亦然其道一也

言此亦周所因於殷也武當為無聲之誤

也方猶常也告尸行節勸尸飲食無常若孝子之為也孝子就養無方詔侑或為詔囑養羊讓反疏曰告尸行節解經詔也勸尸飲食解經侑也案特牲少牢延尸及詔侑相尸之禮皆是祝官則是祝官皆有常而云無常者熊氏云謂就眾祝之中但是祝官皆得為之不常用一祝也案周禮大祝下大

夫二人上士四人小祝中士八人下士十有六人是皆得相侑尸也又曰周坐尸者此言周所因於殷也殷人坐尸周因坐之也詔侑武方者亦因殷也詔告也侑勸也方常也于事父母就養無方故在宗廟之中禮主於孝凡預助祭者皆得告尸威儀勸尸飲食無常人也其禮亦然者其於周禮侑尸及詔侑無方之禮亦因於殷禮故云亦然也其道一也者其用至誠之道一也

而卒祭
夏禮尸有事乃坐疏曰夏立尸而卒祭者此更本殷周所損益相因也夏祭乃有尸但立猶質言尸是人不可久坐坐尸故尸唯飲食暫坐若不飲食時則尸倚立以至祭竟也

殷坐尸
無事猶坐疏曰殷坐尸者此殷因夏之有立尸而損其不坐之禮益為恒坐之法也是殷轉文也言尸本象神神宜安坐不辨有事與無事皆坐也

周旅酬六尸
之使

相酌也。后稷之尸發爵不受旅。疏曰：周旅酬六尸者，此周又因殷而益之也。旅酬六尸，謂祫祭時聚羣廟之主於太祖后稷廟中，后稷在室西壁東嚮，為發爵之主，尊不與子孫為酬酢。餘自文武二次序以酬也。殷但坐尸，未有旅酬之禮。而周益之也。然大祫多主，而唯云六尸者，先儒與王肅並云：毀廟無尸，但有主也。曾子曰：周禮其猶釀與？釀，其庶反。又其約反。與音餘。合錢飲酒為釀。旅酬相酌似之也。王居明堂之禮，仲秋乃命國釀。疏曰：曾子曰：周禮其猶釀與？者，曾子引世事證周禮。旅酬之儀象也。釀，飲錢共飲酒也。凡相敵飲錢，飲酒必非忘懷之酌得而遽飲，必令平偏，不使偏頗。與周禮次序旅酬相似也。其王肅禮作遽，注曾子以為使六尸旅酬，不三獻猶遽而略禮器。

郊血大饗腥三獻燔一獻孰

燔夕康反氣疏曰所進血腥如禮

血腥燔祭用

器中說崔氏云周禮之法郊天以燔柴為始宗廟以裸地為始社稷以血為始小祀以醢辜為始此云大饗腥三獻燔一獻孰者謂正祭之時薦於尸坐之前也又曰天神尊貴事宜極敬極敬不褻近故用血也用血是貴氣而不重味而宗廟敬降於天故用腥腥稍近味社又降於宗廟故用燔燔又稍近味郊特牲

獻質

謂祭羣小祀也

疏曰一獻質者謂祭羣小祀最卑但一獻而已其禮質略

三獻文

謂祭

社稷五祀

疏曰三獻文者謂祭社稷五祀其神稍尊比羣小祀禮儀為文飾也

五獻察

察明也謂

祭四望山川也

疏曰五獻察者謂祭四望山川其神既尊神靈亦為明察

七獻神

謂祭先公疏

曰七獻神者謂祭先公之廟禮又轉尊神靈尊重也又曰鄭知然者案周禮司服職玄冕一章祭羣小祀故知一

獻當祭羣小祀絺冕三章祭社稷五祀故知三獻祭社
稷五祀也毳冕五章祀四望山川故知五獻祭四望山
川也鷩冕七章享先公故知七獻祭先公也案此社稷
三獻卑於四望山川而大宗伯職云以血祭社稷五嶽
又大司樂祭社稷奏大簇祀四望奏姑洗又禮緯云社
稷牛角握五嶽四瀆角尺以此言之則社稷尊於四望
山川而獻與衣服卑者熊氏云獻與衣服從神之尊卑
其餘處尊者以其有功與地同類故進之在上從國中
之神莫貴於社稷之類直以功見尊其實卑
也以是地別神故不為尊也 以上禮器 尸飲五

尸飲五謂醕尸五獻也 君洗玉爵獻卿尸飲七以瑤爵
大夫士祭三獻而獻賓

獻大夫尸飲九以散爵獻士及羣有司皆以齒

疏曰尸飲五君

洗玉爵獻卿至皆以齒者謂獻卿大夫士及有司等其
爵雖同皆長者在先故云皆以齒又曰此據備九獻之

禮者至主人醕尸故尸飲五也凡祭三獻裸用鬱鬯尸祭奠而不飲朝踐二獻饋孰二獻及食畢主人醕尸此等皆尸飲之故云尸飲五於此之時以獻卿獻卿之後乃主婦醕尸醕尸畢賓長獻尸是尸飲七也乃瑤爵獻大夫是正九獻禮畢但初二裸不飲故云尸飲七自此以後賓長兄弟更為加爵尸又飲二是并前尸飲九主人乃散爵獻士及羣有司也此謂上公九獻故以醕尸之一獻為尸飲五也若侯伯七獻朝踐饋食時各一獻食訖醕尸但尸飲三也子男五獻食訖醕尸尸飲一云大夫士祭三獻而獻賓者欲明諸侯獻賓時節與大夫士獻賓不同知大夫士祭三獻而獻賓者特牲禮文下大夫不賓尸與士同亦三獻而獻賓知者有司徹文其上大夫別行賓尸之禮與此異也 祭統

右獻數

大祝掌六祝之辭以事鬼神示祈福祥求永貞一曰順

祝二曰年祝三曰吉祝四曰化祝五曰瑞祝六曰筴祝

六祝之秀反永長也貞正也求多福歷年得正命也

鄭司農云順祝順豐年也年祝求永貞也吉祝祈福祥

也化祝弭災兵也瑞祝逆時雨寧風旱也筴祝遠罪疾

達于方反疏曰云掌六祝之辭者此六辭皆是祈

禱之事皆有辭說以告神故云六祝之辭云以事鬼神

示者此六祝皆所以事人鬼及天神地示云祈福祥求

永貞者禱祈者皆所以祈福祥求永貞之事案一曰已

下其事有六祈福祥即三曰吉祝是也求永貞二曰年

祝是也今特取此二事為總目者欲見餘四者亦有此

福祥永貞之事故也又曰云求多福歷年得正命也者

經祈福祥求永貞祈亦求也今鄭云祈多福即經祈福

祥也歷年得正命即經求永貞也歷年之上宜有求鄭

不言之者多福之上。一求鄭則該此二事故鄭歷年之
上略不言求鄭司農云順祝順豐年已下皆約小祝而
說小祝有順豐年此言順祝故知當小祝順豐年也云
年祝求永貞也者以祈求正是命年之事故知年祝當
求永貞也云吉祝祈福祥也者以其小祝有祈福祥之
事此上總目亦有祈福祥福祥是吉慶之事故知吉祝
當祈福祥也云化祝弭災兵也者弭安也安云災兵是
化惡從善之事小祝有弭災兵故知化祝當之云瑞祝
逆時雨寧風旱也者小祝有逆時雨寧風旱此逆時雨
即寧風旱寧風旱即逆時雨對則異理則通此二者似
若天之應瑞故總謂之瑞祝云筴祝遠罪疾者自此已
上差次與小祝不同唯有筴祝與小祝遠罪疾相當宜
為一也此六祝有求永貞小祝不言之者大祝已見故
小祝略不言也此六祝一曰順祝已下差次與小祝次
第不同者欲見事起作六辭以通上下親疏遠近一曰
無常故先後有異

祠二曰命三曰誥四曰會五曰禱六曰諫

鄭司農云祠當為辭謂辭

令也命論語所謂為命禋諫草創之誥謂康誥盤庚之誥之屬也盤庚將遷于殷誥其世臣卿大夫道其先祖之善功故曰以通上下親疏遠近會謂王官之伯命事於會胥命于蒲主為其命也禱謂禱於天地社稷宗廟主為其辭也春秋傳曰鐵之戰衛太子禱曰曾孫蒯瞶敢昭告皇祖文王烈祖康叔文祖襄公鄭勝亂從晉午在難不能治亂使鞅討之蒯瞶不敢自佚備持矛焉敢告無絕筋無破骨無面夷無作三祖羞大命不敢請佩玉不敢愛若此之屬諫謂積累生時德行以賜之命主為其辭也春秋傳曰孔子卒哀公諫之曰閔天不淑不懃遺一老俾屏余一人以在位孌孌予在疚嗚呼哀哉尼父無自律此皆有文雅辭令難為者也故大祝官主作六辭或曰諫論語所謂諫曰禱爾于上下神祇杜子春云誥當為告書亦或為告玄謂一曰祠者交接之辭

春秋傳曰古者諸侯相見號辭必稱先君以相接此之辭也會謂會同盟誓之辭禱賀慶言福祚之辭晉趙文子成室晉大夫發焉張老曰美哉輪焉美哉奐焉歌於斯哭於斯聚國族於斯文子曰武也得歌於斯哭於斯聚國族於斯是全要領以從先大夫於九京也北面再拜稽首君子謂之善頌善禱是禱之辭 諶市林反蒯苦怪反贖五怪反難乃且反行下孟反閔音旻武中反懋魚艷反爨求營反疚九又反父音甫京音原 疏曰此六者唯一曰稱辭自餘二曰已下皆不稱辭而六事皆以辭目之者二曰已下雖不稱辭命誥之等亦以言辭為主故以辭包之云以通上下親疏遠近者此六辭之中皆兼包父祖子孫上則疎而遠下則親而近故云以通上下親疎遠近也又曰先鄭破祠為辭謂辭令者以其目云六辭明知為言辭之字不得為禱祠言為辭令者則玄謂增成之云交接之辭是也云命謂論語所謂為命祊誥草創之誥謂康誥監庾之誥之屬也者監庾雖

不言誥亦是誥臣遷徙之事故同為誥又云盤庚將遷于殷誥其世臣卿大夫道其先祖之善功者即盤庚云乃祖乃父世選爾勞是也此命誥之義後鄭徙之云會謂王官之伯命事於會胥命于蒲主為其命也者後鄭不徙之者案公羊傳云胥命者何相命也何言乎相命近正也此其為近正奈何古者不盟結言而退又見昭四年楚椒舉云商湯有景亳之命周穆王有塗山之會以此觀之胥命于蒲與會有異今先鄭以胥命解會於義不可故不從云禱謂禱於天地社稷宗廟主為其辭也又引春秋鐵之戰事在哀二年案哀二年衛靈公卒六月乙酉晉趙鞅納衛太子于戚秋八月齊人輸范氏粟鄭子姚子般送之趙鞅禦之衛太子為右衛為太子禱而為此辭言曾孫者凡祭外神皆稱曾孫言昭告于皇祖文王皇君也衛得立文王廟故云君祖文王烈祖康叔者衛之始封君有功烈之祖云鄭勝亂從者勝鄭伯名助范氏亂故云亂從云晉午在難者午晉定公名

范氏等作亂與君為難故云在難云備持矛馬者蒯瞞與趙鞅為車右車右執持戈矛故云備持矛馬云無作三祖羞者三祖謂文王康叔襄公戰不克則以為三祖羞辱先鄭此義後鄭皆不從之者此六辭皆謂生人作辭無為死者之事故不從云諫謂積累生時德行以賜之命而引春秋傳曰者哀公十六年傳辭此義後鄭從之引論語者為孔子病子路請禱孔子問曰有諸子路對此辭生人有疾亦諫列生時德行而為諫與哀公諫孔子意同故引以相續玄謂一曰辭者司農云謂辭令無所指斥故後鄭相事而言引春秋傳曰者案莊四年公羊傳云古者諸侯必有會聚之事相朝聘之道號辭必稱先君以相接是此之辭也彼無相見二字鄭以義增之云會謂會同盟誓之辭會中兼有誓盟者以其盟時皆云公會某侯某侯盟于某以此出會中含其盟誓必因征伐案春秋征伐皆云公會某侯某侯某既之士卒當有誓辭故出會中兼有誓也云禱賀慶言福祚

之辭者破先鄭禘鬼神之事云晉趙文子成室者禮記檀弓文案彼文云晉獻文子成室鄭注云獻猶賀也晉君賀文子成室此言晉趙文子成室引文略趙文子則趙武也晉大夫發馬見文子室成卿大夫皆發幣以往慶賀之張老者亦晉大夫云美哉輪馬者謂輪困高大云美哉奐馬者謂奐爛有文章云歌於斯者斯此也謂作樂饗宴之處云哭於斯謂死於適寢之處聚國族於斯謂與族人族食宴之處張老言此者譏其奢泰一室兼此數事防其更為云文子曰武也者武文子名謂武謂歌於斯哭於斯聚國族於斯是全要領以從先大夫於九京也古者有要斬領斬故要領並言案彼注九京當為九原晉卿大夫之墓地在九原故言以從先大夫於九原云北面再拜稽首者平敵相於並列則頓首臣於君作稽首今文子作稽首者時晉君在焉北面向君拜故作稽首云君子謂之善頌善禱者君子謂知禮之人彼注云善頌謂張老之言善禱謂文子之言云是禱之

辭者是經禱之辭也
此六者皆以辭解之
辨六號一曰神號二曰鬼號三曰

示號四曰牲號五曰齎號六曰幣號

號謂尊其名更為美稱焉神號若云

皇天上帝鬼號若云皇祖伯某祇號告云后土地祇幣號若云嘉玉幣云量幣鄭司農云牲號為犧牲皆有

名號曲禮曰牛曰一元天武豕曰剛鬣羊曰柔毛雞曰翰音粢號謂黍稷皆有名號也曲禮曰黍曰薌合梁曰薌其稻曰嘉疏少牢饋食禮曰敢用柔毛剛鬣士虞禮曰敢用絜牲剛鬣香合大武如字一音太疏所魚反

一音蘇

疏曰云號謂尊其名更為美稱焉者謂若尊

天地人之鬼神示不號為鬼神示而稱皇天后土及牲

幣等皆別為美號焉云神號若云皇天上帝者月令季

夏云以養犧牲以供皇天上帝皇天謂北辰耀魄寶上

帝謂太微五帝云鬼號若云皇祖伯某者謂若儀禮少

牢特性祝辭稱皇祖伯某云祇號若云后土地祇者左

氏傳云君戴皇天而履后土地祇謂若大司樂云若樂八變地祇皆出云幣號若五云嘉玉幣云量幣此並曲禮文經無玉號鄭兼言玉者祭祀禮神有玉曲禮亦有玉號案小行人合六幣圭以馬璋以皮玉得與幣同號故鄭兼言玉也先鄭云牲號為犧牲皆有名號引曲禮曰牛曰一元大武者鄭彼注元頭也武迹也一頭大迹豕曰剛鬣者豕肥則鬣鬣剛強羊曰柔毛者羊肥則毛柔潤雞曰翰音者翰長也音鳴也謂長鳴雞盭號謂黍稷皆有名號引曲禮黍曰香合者言此黍香合以為祭云梁曰香萁者鄭注云其辭也言此梁香可祭云稻曰嘉蔬者言稻下菜地所生嘉善也蔬草也言此稻善蔬草可祭云少牢饋食禮云取用柔毛剛鬣者大夫少牢祭故號此二牲云士虞禮曰取用絜牲剛鬣者士祭用特豕故號一牲言香合者據曲禮黍之號也故彼鄭注云黍也大夫士於黍稷之號合言普淖而已此言香合蓋記者誤耳此連引之耳無所取證此士虞記文而云

禮者記亦是
禮春官

君天下曰天子踐阼臨祭祀內事曰孝

王某外事曰嗣王某

皆祝辭也唯宗廟稱孝天地社稷祭之郊內而曰嗣王不敢同內外

疏曰踐履也阼主人階也天子祭祀升阼階又曰履主階行事故云踐阼也臨祭祀者謂天子臨郊廟之祭祀也內事曰孝王某者內事宗廟是事親事親宜言孝故升阼階祭廟則祝辭云孝王某某為天子名也外事曰嗣王某者外事如社也天地尊遠不敢同親云孝故云嗣王某言此王繼嗣前王而立也又曰天子以四郊為外園丘方澤明堂社稷皆在郊內應稱孝而猶同外辭曰嗣王者尊天地雖祭之郊內猶從外辭崔靈恩云天地社稷是外神而祭之郊內不敢外之今案鄭注云而曰嗣王不敢同內外則是唯於嗣王稱有外內不關祭祀之處崔所云天地祭之在內不敢外恐非鄭義注謂不敢同內外者若宗廟之祭從內事之例而祭辭稱

孝者凡常山川并岳瀆之神祭之在外之例而辭稱嗣是在內從內辭在外從外辭今天地社稷既尊不敢同外內之例雖祭之在內而用外辭天地是尊不敢同外內之常例也曲禮下諸侯臨祭祀

內事曰孝子某侯某外事曰曾孫某侯某

稱國者遠辟天子疏曰

某侯某者若言齊侯衛侯下某是名若伯子男則云曹伯許男某也外事謂社稷山川在封內者也天子外事言嗣王某諸侯不得稱嗣侯但稱曾孫所以然者天子尊謂能繼天德而立也諸侯無德不繼嗣為侯故不云嗣但是父祖重孫故祭稱孝子孝孫喪稱哀子哀孫言曾孫也曲禮下

各以其義稱疏曰祭吉祭也謂自卒哭以後之祭也吉則中孝子心故祝辭云孝也或子或孫隨其人也喪謂自虞以前祭也哀痛未申所以稱哀故士虞禮稱哀子而卒哭乃稱孝子也雜記上祭王父

曰皇祖考王母曰皇祖妣父曰皇考母曰皇妣夫曰皇

辟

更設稱號尊神異於人也皇君也考成也言其德行

也

行下孟反嬈普計反

疏

曰王父至皇辟此更為

神

設尊號亦廣其義也王父祖父也皇君也考成也此

言祖有君德已成之也王母曰皇祖妣者王母祖母也

妣嬈也言得嬈匹於祖也父曰皇考母曰皇妣者義如

上祖父母也夫曰皇辟者辟法也夫是妻所取法如君

故言君法也又曰皇君也考成也辟法也皆釋詁文也

禮下

曲凡祭宗廟之禮牛曰一元大武豕曰剛鬣豚曰

腍肥羊曰柔毛雞曰翰音犬曰羹獻雉曰疏趾兔曰明

視脯曰尸祭橐魚曰商祭鮮魚曰脰祭水曰清滌酒曰

清酌黍曰薌合梁曰薌其稷曰明粢稻曰嘉蔬韭曰豐

本鹽曰鹹醯玉曰嘉玉幣曰量幣

脂徒忍反翰戶旦反鮮音仙臙他須反薌

音香其音基醯才何反量音亮又音良號牲物者

異於人也元頭也武迹也臙亦肥也春秋傳作臙臙充

貌也翰猶長也羹獻食人之餘也尹正也商猶量也臙

直也其辭也嘉善也稻菰蔬之屬也豐茂也大鹹曰醯

今河東云幣帛也疏曰此一節論祭廟牲幣告神之

法凡祭者謂貴賤悉然牛曰一元大武者元頭也武迹

也牛若肥則脚大脚大則跡痕大故曰一元大武也豕

曰剛鬣者豕肥則毛鬣剛大也王云剛鬣言肥大也豚

曰臙肥者臙即充滿貌也羊曰柔毛者若羊肥則毛細

而柔弱故王云柔毛言肥澤也雞曰翰音者翰長也雞

肥則其鳴聲長也犬曰羹獻者人將所食羹餘以與犬

犬得食之肥肥可以獻祭於鬼神故曰羹獻也雉曰疏

趾者趾足也雉肥則兩足開張趾相去疏也音義隱云雉之肥則足疏故王云足閒疏也兔曰明視者兔肥則目開而視明也故王云目精明皆肥貌也然自牛至兔凡有八物唯有牛云一頭而豕以下不云數者皆從其所用而言數也則並宜云若干也雞雉為膳及腊則不數也脯曰尹祭者尹正也裁截方正而用之祭一通云正謂自作之也脯自作則知肉之所用也論語云沽酒市脯不食言其不正也彘魚曰商祭者彘乾也商量也祭用乾魚量度燥濕得中而用之也鮮魚曰脰祭者脰直也祭有鮮魚必須鮮者煮熟則脰直若餒則敗碎不直水曰清滌者古祭用水當酒謂之玄酒也而云清滌言其甚清皎潔也樂記云尚玄酒是也酒曰清酌者酌斟酌也言此酒甚清徹可斟酌當為三酒未必為五齊黍曰薌合者夫穀秣者曰黍秣既軟而相合氣息又香故曰薌合也梁曰薌其者梁謂白梁黃梁也其語助也稷曰明粢者稷粟也明白也言此祭祀明白粢也鄭注

甸師云粢稷也爾雅云粢稷也注今江東人呼粟為粢
隋祕書監王劭勘晉宋古本皆無稷曰明粢一句立八
疑十二證以為無此一句為是今尚書云黍稷非馨詩
云我黍與與我稷翼翼為酒為食以享以祀然則黍稷
為五穀之主是粢盛之貴黍既別有異號稷何因獨無
美名爾雅又以粢為稷此又云稷曰明粢正與爾雅相
合又士虞禮云明齊波酒鄭注云或曰明齊當為明視
謂免腊也今文曰明粢粢稷也皆非其次也如鄭言云
皆非其次由曲禮有明粢之文故注儀禮云非其次王
劭既背爾雅之說又不見鄭玄之言苟信錯書妄生同
異改亂經籍深可哀哉又曰元頌也案釋詁文元首首
則頌也武迹也釋訓文春秋傳作臚者桓六年左傳云
博碩肥膋是也云羹獻食人之餘也者周禮豪人云掌
黍祭祀之犬是也尹正也嘉善也釋言文此等諸號若
一祭並有則舉其大者牲牛酒齊而言不應諸事皆道
故少牢禮稱敢用采毛剛鬣嘉薦普淖是也或唯有天

雞或魚兔及水酒韭鹽之祭則各舉其美號故此經備載其名必知然者案士虞禮祝辭云尹祭鄭注云尹祭脯也大夫士祭無云脯者今不言牲號而云尹祭亦記者誤矣如鄭此言明單用脯者稱尹祭以此推之餘亦可知也

曲禮下

右祝號

記凡祭不諱廟中不諱

謂祝嘏之辭中有先君之名者

也凡祭祭羣神廟中上不諱下疏曰凡祭不諱廟中不諱者謂祝嘏之辭中有先君名者也羣神謂社稷山川百神也祝嘏辭中有先君之名不諱之也廟中上不諱下者若有事於祖則不諱父也

有事於父則諱祖

玉藻

后稷之祀易富也其辭恭其欲儉

其祿及子孫

易以貶反富之言備也以傳世之祿共儉者之祭易備也傳文專反

其音恭疏曰后稷之祀易富也者富備也后稷乃帝嚳之子世有祿位又祭祀恭儉以世祿之饒其儉薄之祭故易豐備也其祿及子孫者以后稷祭祀其辭恭敬其欲節儉神之降福故祿及子孫

詩曰后稷兆祀庶無罪悔以迄于今兆四郊之祭處也迄至也

言祀后稷於郊以配天庶幾其無罪悔乎福祿傳世以至於今疏曰后稷兆祀者是大雅生民之

篇美成王尊祖配天所以尊后稷配天者以后稷生存之時於四郊之兆域祭祀於天而事皆合禮

庶幾無罪過悔恨故迄至於今隋李梁曰夫民文武之時而王有天下表記

神之主也言鬼神之情依民而行疏曰鬼神之情依人而行故云夫民神之主也以民

和乃神說故聖王先成其民而後致力於神言養民使成就然後致孝享由是告神之辭各有成百

姓之意祭之所用有牲有食有酒耳聖人文飾辭義為立嘉名以告神李梁舉其告辭解其告意故奉牲以告神曰博碩肥腍者非謂所祭之牲廣大肥充而已乃言民之畜產盡肥充皆所以得博碩肥腍者由四種之謂故又申說四種之事四謂者第一謂民力普徧安存故致第二畜之碩大滋息民力普存所以致之者由民無勞役養畜以時故六畜碩大蕃多滋息民力普存又致第三不有疾病疥癬所以然者由民力普存身無疲苦故所養六畜飲食以理埽刷依法故皮毛身體無疥癬疾病民力普存又致第四備腍咸有所以然者由民力普存人皆逸樂種種養畜羣牲備有也奉盛以告神曰絜粢豐盛者非謂所祭之食絜淨豐多而已乃言民之糧食盡豐多也言豐絜者謂其春夏秋三時農之要節為政不害於民得使盡力耕耘自事生產故百姓和而年歲豐也奉酒醴以告神

曰嘉粟旨酒者非謂所祭之酒粟善味美而已乃言百姓之情上下皆善美也言嘉德者謂其國內上下羣臣及民皆有善德而無違上之心若民心不和則酒食腥穢由上下皆善德酒食馨香非言酒食馨香無腥臙臭穢謂民德馨香無譏諛邪惡也所謂馨香總上三者由是三者將說神心先和民志故務其三時使農無廢業脩其五教使家道協和親其九族使內外無怨然後致其絜敬之祀於神明矣於是民俗大和而神降之福故動則有成戰無不克今民各有心或欲從主或欲叛君不得為無違上之心而鬼神之主百姓飢餒民力彫竭不得為年歲豐也民既不和則神心不說君雖獨豐其何福之有神所不福民所不與以此敵大必喪其師君且降政撫其民人而親兄弟之國以為外援如是則庶幾可以免於禍難也告牲肥碩言民畜多告粢豐絜言民食多告酒嘉旨不言

民酒多而言民德善者酒之與食俱以米粟為之於盛已言年豐故於酒變言嘉德重明民和之意是以聖王先成民而後致力於神故奉牲以告曰

博碩肥腍謂民力之普存也

博廣也碩大也

謂其畜之碩

大蕃滋也謂其不疾疫蠹也謂其備腍咸有也

許畜

六反下皆同蕃音煩疾七木反本又作蔕同蠹力果反說文作療云疾療皮肥也雖告神以博

碩肥腍其實皆當兼此謂民力適完則六畜既大而滋也皮毛無疥癬兼備而無有所闕疥音界

癬息淺反說文云乾瘍

疏曰劉炫云杜以博碩

肥腍據牲體而言李梁推此出理嫌其不實故云

其實皆當兼此民力普存謂民力適完則得生養六畜故六畜既大而滋息也博碩言其形狀大蕃

滋言其生乳多碩大蕃滋皆複語也痰蟲畜之小病故以為疥癬之疾也不疾者猶言不患此病也奉盛以告曰絜粢豐盛謂其三時不害而民和年

豐也

三時春夏秋

奉酒醴以告曰嘉粢旨酒

嘉善也粢謹敬也

疏曰嘉善釋詁文也杜訓粢為謹敬言善敬為酒
來詩實穎實粟與田事相連故粟為穗貌此粟與
嘉善旨酒相類故粟為謹敬之心即論語云使民
戰栗與此相似劉炫以粟為穗貌而規杜過於理
非恐謂其上下皆有嘉德而無違心也所謂馨香無

讒慝也

慝他得反 馨香之遠聞 聞音問又如字

故務其三時脩其

五教

父義母慈兄友弟恭于孝 疏曰父母於子並為慈但父主教訓母主撫養撫養在於恩

愛故以慈為名教訓愛而加教故以義為稱義者
宜也教之義方使得其宜弟之於兄亦宜為友但
兄弟相於乃有長幼尊卑故分出親其九族以致
其弟使之為共言敬其兄而友愛

其禋祀

禋音因 禋絜敬也九族謂外祖父外祖母從母子及妻父妻母姑之子姊妹之子

女子之子并已之同族皆外親有服而異族者也
九族杜釋與孔安國鄭玄不同 疏曰釋詁云

禋敬也故以禋為絜敬隱十一年注云絜齊以享謂之禋意亦與此同也漢世儒者說九族有二異義今禮戴尚書歐陽說九族乃異姓有屬者父族四五屬之內為一族父女昆弟適人者與其子為一族已女昆弟適人者與其子為一族已之女子適人者與其子為一族母族三母之父姓為一族母之母姓為一族母女昆弟適人者與其子為一族妻族二妻之父姓為一族妻之母姓為一族

古尚書說九族者從高祖至玄孫凡九皆同姓謹
案禮總麻三月以上恩之所及禮為妻父母有服
明在九族中九族不得但施於同姓鄭駁云玄之
聞也婦人歸宗女子雖適人字猶繫姓明不得與
父兄為異族其子則然昏禮請期辭曰唯是三族
之不虞欲反今三族未有不億度之事而迎婦也
如此所云三族不當有異姓異姓其服皆總禮雜
記下總麻之服不禁嫁女取婦是為異姓不在族
中明矣周禮小宗伯掌三族之別名喪服小記說
服之義曰親親以三為五以五為九以此言之知
高祖至玄孫昭然察矣是鄭從古尚書說以九族
為高祖至玄孫也此注所云猶是禮戴歐陽等說
以鄭玄駁云女子不得與父兄為異族故簡去其
母唯取其子以服重者為先耳其意亦不異也不
從古學與鄭說者此言親其九族詩刺不親九族
必以九族者疏遠恩情已薄故刺其不親而美其

能親耳高祖至父已之所稟承也子至玄孫已之所生育也人之於此誰或不親而美其能親也詩刺奔其九族豈復上遺父母下棄子孫哉若言棄其九族謂棄其出高祖出曾祖者然則豈亦棄其出曾孫出玄孫者乎又鄭玄為昏必三十而娶則人年九十始有曾孫其高祖玄孫無相及之理則是族終無九安得九族而親之三族九族族名雖同而三九數異引三族以難九族為不相值矣若緣三及九則三九不異設使高祖喪玄孫死亦應不得為昏禮何不言九族之不虞也以此知九族皆外親有服而異族者也於是乎民和而神降之福

桓公六年春秋左氏

傳

楚子木問於趙孟曰范武子之德何如

士會賢聞

於諸侯故問之聞音問又如字

對曰夫子之家事治言於晉國

無隱情其祝史陳信於鬼神無愧辭

祝陳馨香德足副之故不

愧于木歸以語王曰尚矣哉

語魚據反尚上也

能歆神人

歆享也使神享其祭人懷其德宜其光輔五君以為盟主也

五君謂文

襄靈成景

疏曰晉語訾祐對范宣子曰武子佐

文襄諸侯無貳心為卿以輔成景軍無敗政及為

元帥居大傅國無姦民是以受隨范是其光輔五

君也服虔云文公為戎右襄靈為大夫成公為卿

景公為大傅襄公二

十七年春秋左氏傳

鬱人大祭祀與量人受舉斚之卒爵而飲之

斚受福之聲之誤

也王醕尸尸嘏王此其卒爵也少牢饋食禮主人受嘏詩懷之卒爵執爵以興出宰夫以蓬受嗇泰主人嘗之

乃還獻祝此鬱人受王之卒爵亦王出房時也必與量
人者鬱人贊裸尸量人制從獻之脯燔事相成 燔音
煩 疏曰此大祭祀云受嘏謂祭宗廟者也云與量人
受舉嘏之卒爵而飲之者謂王醕尸後尸嘏王之節也
又曰鄭知罽是受福之嘏非天子莫罽殷爵名者案郊
特性云舉罽角詔安尸其時無鬱人量人受爵飲之法
唯有受嘏時受王卒爵飲之禮故破罽為受福之嘏也
云王醕尸尸嘏王此其卒爵也者此約少牢特牲禮故
鄭即引少牢以為證也云少牢饋食禮主人受嘏詩
懷之卒爵者天子諸侯祭有二灌朝踐饋獻各二獻之
事乃有陰厭迎尸入尸尸食訖王醕尸大夫士無饋獻
已前之事直有陰厭已後醕尸之事天子諸侯祭禮亡
故陰厭已後取少牢特牲續之今獻鬱人量人之節當
大夫獻祝及佐食之時云主人受嘏詩懷之者謂陰厭
後迎尸入升席坐尸食訖主人醕尸尸酢主人在戶東
西面受尸酢時尸命祝嘏主人以大福遂以黍稷肺授

主人詩承也主人承之納於懷中挂於季指乃拜而飲
卒爵也云執爵以興出宰夫以籩受盞黍者盞黍即所
斂聚黍稷肺授之者也云主人嘗之乃還獻祝此鬱人
受王之卒爵亦王出房時也者大夫士有獻祝及佐食
無獻鬱人量人法天子有獻鬱人量人之法無獻祝及
佐食之事但其節同故引為證也云必量人者鬱人贊
裸尸者即上文贊裸事詔裸將之儀是也云量人制從
獻之脯醢者案量人云凡祭祀饗賓制其從獻脯醢之
數量是也云事相成者前裸後獻
祭事乃成故云事相成也 春官

量人凡宰祭與鬱

人受罍歷而皆飲之

量音亮

言宰祭者冢宰佐王祭
亦容攝祭鄭司農云罍讀如嫁娶

之嫁是器名明堂位曰爵夏后氏以琖殷以罍周以爵
玄謂罍讀如蝦尸之蝦宰冢宰疏曰凡云宰祭者冢
宰攝祭非一故云凡也又曰鄭云冢宰佐王祭亦容攝
祭者義得兩含案大宗伯云若王不與祭祀則攝位注

云王有故代行其祭祀重掌者此據宗伯亦有故則冢
宰攝之先鄭云罍讀如嫁娶之嫁直取音同為明堂位
者證罍是器名周獻用玉爵無用罍故後鄭云罍讀如
嘏尸之嘏讀從少牢尸嘏主人郊特牲云嘏者長也大
也謂使主人受長大之福疏已具於鬱人職但
此有歷字者謂鬱人與量人歷皆飲也 夏官

右受爵

肆師嘗之日涖卜來歲之芟

芟色銜反也古之始耕者除田種穀

芟芟草除田

常者嘗新穀此芟之功也卜者問後歲宜芟不詩云載

芟載柞其耕澤澤

柞側百反

疏曰秋祭曰嘗以其

物新熟可嘗而為祭名也正當嘗祭日肆師涖卜來歲
之芟者以其餘事卜則大宗伯涖卜或大卜涖卜此及

下三事皆肆師涖卜也則陳龜貞龜命龜視高作龜使
卜師卜人之等為之又曰芟芟草對柞是殺木引詩者

欲見載芟即此經芟也云載柞者柞是除木於經雖無所當欲見有草則芟之有木則柞之皆是除田以稼種故并言之也云其耕澤澤者既除草木則耕之澤澤和柔也

獮之曰涖卜來歲之戒

獮思淺反秋田為獮始習兵戒不虞也卜者問後歲兵寇之備疏曰謂肆師正當出獮田之日則卜來歲

之戒不虞之事又曰秋田曰獮大司馬職文云始習兵戒不虞者鄭解不於春芟夏苗涖卜來歲之戒必於秋獮之曰為戒者以其春教振旅夏教芟舍非正習兵秋教治兵之曰故於是戒不虞也言不虞者虞度也以兵寇之事來否不可億度當豫戒備之

社之曰涖卜來歲

之稼

社祭土為取財焉卜者問後歲稼所宜疏曰類上文皆獮是秋則此社亦是秋祭社之日也言涖

卜來歲之稼者祭社有二時謂春祈秋報報者報其成熟之功今卜者來歲亦如今年宜稼以不但春稼秋穡

不言穡而言稼者秋穡由於春稼故據稼而言之又曰
案郊特牲云社祭土而主陰氣也取財於地取法於天
又孝經緯云社者五土之總神
故云社祭土而取財焉 春官

右預卜

膳夫凡王祭祀則徹王之胾俎

膳夫視徹胾俎胾俎最尊也其餘則其屬徹之

疏曰凡王祭祀謂祭宗廟有胾俎者謂若特牲少牢主人受尸酢尸東西面設主人俎於席前王受尸酢禮亦當然又曰云膳夫親徹胾俎最尊也者以其胾者酢也王與尸相答酢故遣膳夫親徹云其餘則其屬徹之者以其經膳夫徹王之胾俎明非王胾俎則其屬徹之可知膳夫是上士則其屬中士已下是也 天官

小祝大祭祀贊徹

疏曰云贊徹者大祝云既祭命徹諸宰君婦徹時小祝贊之 春官

小子祭祀受徹

疏曰云受徹者謂祭畢詣宰君婦廢徹之時則此官受之夏官

凡祭於公者必自徹其俎

臣不敢煩君使也大夫以下或使人歸之祭於公助

祭於君也

君使色吏反

疏曰此謂士助君祭也若

大夫以上則君使人歸之於俎而禮本並云大夫以下

或使人歸之是鄭因君以明臣言大夫以下自祭其廟

則使人歸賓俎故曾子問云攝主不歸俎明正主則歸

也曲

禮上

右徹

小祝大祭祀送尸

疏曰送尸者謂祭未送尸而出春官

右送尸

大宗伯以脰膳之禮親兄弟之國

脰上忍反膳音煩
膳社稷宗廟之肉

以賜同姓之國同福祿也兄弟有共先王者魯定公十四年天王使石尚來歸脰疏曰兄弟之國謂同姓諸侯若魯衛晉鄭之等凡受祭肉者受鬼神之祐助故以脰膳賜之是親之同福祿也鄭總云脰膳社稷宗廟之肉分而言之則脰是社稷之肉膳是宗廟之肉是以成十三年公及諸侯朝王遂從劉康公成肅公會晉侯伐秦成子受脰于社不敬注云脰宜社之肉也盛以蜃器故曰脰劉子曰國之大事在祀與戎祀有執膳戎有受脰注云膳祭肉又祭異義左氏說脰社祭之肉盛之以蜃宗廟之肉名曰膳以此言之則宗廟之肉曰膳社稷之肉曰脰之驗也而公羊穀梁皆云生居俎上曰脰熟居俎上曰膳非鄭義耳對文脰為社稷肉膳為宗廟肉其實宗廟社稷器皆飾用蜃蛤故掌蜃云祭祀共蜃器之蜃注云飾祭器是其祭器皆飾以蜃也云兄弟有共

先王者謂若魯與周同承文王鄭與周同承厲王如此之輩與周同立廟是共先王也云定公十四年天王使石尚來歸脤者石尚天子之上士故稱名氏言來者自外之辭歸者不反之稱是天子祭社使來歸脤引之證同姓有歸脤之事此文雖主兄弟之國至於二王後及異姓有大功者得與兄弟之國同故僖九年夏王使宰孔賜齊侯胙曰天子有事於文武使孔賜伯舅胙注云胙膳肉周禮以脤膳之禮親弟兄之國不以賜異姓敬齊侯比之賓客又僖公二十四年宋成公如楚還入於鄭鄭伯將享之問禮於皇武子對曰宋先代之後也於周為客天子有事膳焉有喪拜焉是二王後及異姓有大功者亦得脤膳之賜是以大行人直言歸脤以交諸侯之福不辨同姓異姓是亦容有非兄弟之國亦得脤膳也

春官

大行人歸脤以交諸

侯之福

交或往或來者也疏曰云交或往或來者也者欲見臣有祭祀之事亦得歸胙於王故玉藻

云臣致膳於君有葷桃茹是也案宗伯云脰膳本施同姓尊二代之後亦得之故唐二十四年宋成公如楚還入鄭鄭伯將享之間禮於皇武子對曰宋先代之後也於周為客天子有事膳焉有喪拜馬唐九年王使宰孔賜齊侯昨曰天子有事於文武使孔賜伯舅昨注云周禮脰膳之禮親兄弟之國不以賜異姓尊齊侯客之若先代之後是其事也此言脰不言膳文不具秋官

都宗人掌都祭祀之禮凡

都祭祀致福于國

都或有山川及因國無主九皇六十氏之祀王子弟則立其祖王之廟

其祭祀王皆賜禽焉主其禮者警戒之糾其戒具其來致福則帥而以造祭僕疏曰知都有山川者見祭法

云山川丘陵能興雲雨諸侯在其地則祭無其地則不祭都祀畿內諸侯明亦祭境內山川也云及因國無主

九皇六十四氏之祀者案王制云天子諸侯祭因國之在其地而無主後者注云謂所因之國先王先公有功

德宜享世祀今絕無後為之祭主者案史記伏犧已前
九皇六十四氏並是上古無名號之君絕世無後今宜
主祭之也云王于弟則立其祖王之廟者左氏傳莊二
十八年云邑有先君之主曰都明天子禮亦然故知都
內王于弟有祖王之廟也云其祭祀王皆賜禽焉者見
祭僕云王所不與則賜之禽都家亦如之玄謂王所不
與同姓有先王之廟是賜禽法云其來致福則帥而造
祭僕知者見祭僕云凡祭祀致福者展而受之是造祭
僕之事詳見祭
禮總叙春官

家宗人掌家祭祀之禮凡祭祀致

福大夫采地之所祀與都同若先王之子孫亦有祖廟
疏曰鄭云大夫采地之所祀者則家止謂大夫不
通公卿也故載師職云家邑任稍地小都任縣地大都
任疆地是大夫采地稱家在三百里之內卿為小都在
四百里公為大都在五百里則上都宗人所主是也言
所祀與都同者據山川九皇六十四氏在其地者云若

先王之子孫亦有祖廟者亦如上都宗人但天子與諸侯禮異諸侯之卿大夫同姓邑有先君之主則曰都無曰邑天子之臣同姓大夫雖有先君之主亦曰邑也此不言凡家祭祀致福于國青舉都而言此家從可知

同

為人祭曰致福為已祭而致膳於君子曰膳祔練

曰告

此皆致祭祀之餘於君子也攝主言致福申其辭也自祭言膳謙也祔練言告不敢以為福膳也

疏

曰此一節明致福及膳於君子及所膳牲體之數

謂為人攝祭而致飲胾於君子也其致胾將命之辭則

曰致福謂致彼祭祀之福於君子也為已祭而致膳於

君子曰膳者若已自祭而致胾於君子則不敢云福而

言致膳膳善也言致善味耳祔練曰告者若已祔祥而

致胾又不敢云福膳但云告言以祭胾告君子使知已

祔祥而已故顏回之凡膳告於君子主人展之以授使

喪饋孔子祥肉是也

卷之三

儀禮經傳通解

五十三

者于阼階之南

使色吏反展省具也

南面再拜稽首送反命主

人又再拜稽首其禮大牢則以牛左肩臂臠折九箇少

牢則以羊左肩七箇豕則以豕左肩五箇

臂必豉反臠奴報反

又奴到反人於反牘大得反

折斷分之也

皆用左者

右以祭也羊豕不言臂臠因牛序之可知

斷丁管反

又大喚反分方云反又扶問反

疏曰

凡膳告於君子

者結上也膳自祭及告祥也主人展之以授使者于阼

階之南南面再拜稽首送者謂初遣使膳告君子之去

時也展省視敬君子主人自省視飲食多少備具而阼

階南稽首拜送使者反命主人又再拜稽首者使從君

之還反則主人亦再拜稽首受命亦當在阼階南南面

也曲禮云使者反必下堂而受命是也其禮大牢則以

牛左角臂臠折九箇者明所膳禮致也若得大牢祭者

則用牛膳也周人性體尚右右邊已祭所以獻左也周
貴肩故用左肩也九箇者取肩目上斷折之至蹄為九
段以獻之也臂臑謂肩腳也少牢則以羊左肩七箇者
若禮得少牢者則膳羊左肩也折為七箇不云臂臑從
上可知也然並用上牲不并備饌故大牢者唯牛少牢
者唯羊也惟豕則以豕左肩五箇者若祭唯特豕亦用
豕左肩亦用五箇

少儀

祭僕凡祭祀致福者展而受之

臣

祭事必致祭肉於君所謂歸胙也展謂錄視其牲體數
體數者大牢則以牛左肩臂臑折九箇少牢則以羊左
肩七箇特牲則以豕左肩五箇胙才素反後同疏
曰云所謂歸胙者案左氏傳麗姬欲譖申生謂申生曰
齊姜欲食使太子祭祭訖歸胙于公姬置藥而饋公是
有歸胙之事也云禮數者大牢則以牛左肩臂臑折九
箇已下並禮記少儀文凡祭祀周人尚右故右臂皆祭
故以左臂致人祭言大牢天子大夫已上少牢謂天子

之士彼注云羊豕不言臂臑因牛序之可知言肩臂臑折九箇者則一體折為三段則牲少體不得全自外皆然以人多故也皆用前體者

前體貴故先用也

夏官

膳夫凡祭祀之致福者

受而膳之

致福謂諸臣祭祀進其餘肉歸胙于王鄭司

農云膳夫受之以給王膳

疏曰云凡祭祀

者言凡則諸臣自祭家廟祭訖致胙肉於王謂之致福膳夫受之以為王膳故云受而膳之又曰云致福者謂諸臣祭祀進其餘肉歸胙于王者案禮記少儀云膳于君子曰膳案玉藻膳於君葷桃茢彼謂諸侯之臣禮此王之臣亦應云致膳而云致福者凡祭祀主人受福若與王受福然故云致福知諸臣有致胙法者案春秋左氏傳昭十六年子產云祭有受脰歸脰彼注云受脰謂君祭以肉賜大夫歸脰謂大夫祭歸肉於公也今彼雖據諸侯禮王之臣致胙亦然

故云歸胙於王也

天官

右致福 傳定公十四年天王使石尚來歸脤

祭脤

肉天子祭畢以之賜同姓諸侯親兄弟之國與之共福

脤者何也俎實也祭

肉也生曰脤熟曰膳其辭石尚士也

辭猶書也

何以知

其士也天子之大夫不名石尚欲書春秋

欲著名于春秋

諫曰久矣周之不行禮於魯也請行脤貴復正也

疏曰從祀先公前有失正之文於後言貴復正今復正前無失正之文而曰貴復正何解復正之文雖同義須有異天王不行禮於魯失正矣今由石尚而歸脤美之故曰貴復正也穀梁傳

僖公九年夏會于葵丘王使宰孔賜齊侯胾

胾祭肉尊

之比二王後疏曰傳稱天子祭于曲沃歸胙于公此天子有事于文武賜齊侯以胙知胙是祭肉也周禮大宗伯以脰膾之禮親兄弟之國鄭玄云脰即胙肉也言親兄弟之國則異姓不合賜也脰二十四年傳曰宋先代之後也於周為客天子有事膾焉是言二王之後禮合得之曰天子有事于今賜齊侯是尊之比二王後也

文武有祭事也使孔賜伯舅胙

天子謂異姓諸侯曰伯舅疏曰曲禮曰五官

之長曰伯天子同姓謂之伯父異姓謂之伯舅鄭玄云謂為三公者周禮九命作伯齊桓是九命之伯故以伯齊侯將下拜孔曰且有後命天子使孔舅呼之

曰以伯舅耄老加勞賜一級無下拜

耄田節反一他結反勞力

報反

七十曰耄級等也

疏曰釋言云耄老也

舍人云年六十稱也郭璞云八十為耄釋名云八

十曰耄耄鐵也皮黑如鐵彼說或云六十或云八

十杜云七十曰耄耄者耄之年齒既無明文曲禮云

七十曰老爾雅以耄為老故以為七十曲禮升階

之法云涉級聚足是級為等也法當下拜賜之勿

下是進對曰天威不遠顏咫尺

一等對曰天威不遠顏咫尺

在顏面之前八寸曰咫

言云顏額謂額也中夏謂之額東齊謂之額河

淮泗之間謂之顏魯語云肅慎氏貢楛矢長尺有

咫賈逵亦云八寸曰咫說文云周制寸尺咫尋皆

以人之體為法中婦人手

長八寸謂之咫周尺也

小白余敢貪天子之命

無下拜

小白齊侯名余身也

疏曰諸自稱余者

故解之余身釋詁文舍人曰余卑謙之身也孫恐
炎曰余舒遲之身也郭璞曰今人亦自呼為身恐

墮越于下

墮越顛隊也據天王在上故言以遺天
恐顛隊于下隊直類反下同

子羞敢不下拜下拜登受

遺于季反拜堂下受
胙於堂上疏曰觀禮

天子賜侯氏以車服諸公奉篚服加命書于其上
升自西階東面大史氏右侯氏升西面立大史述
命侯氏降兩階之間北面再拜稽首升成拜彼侯
氏降階再拜是此下拜也升成拜是此登受春

秋左
氏傳

宋成公如楚還入於鄭鄭伯將享之問禮

於皇武子

皇武子
鄭卿

對曰宋先代之後也於周為客

天子有事膳焉

有事祭宗廟也膳祭
肉尊之故賜以祭胙有喪拜焉宋

周喪王特拜謝之疏曰禮弔喪之法皆主人拜其弔者謝其勤勞弔者不答拜以其為事而來不自同於賓客此皆據弔及主人敵禮以上若其臣下來弔則主人不拜宋是先代之後王以敵禮待之故拜其來弔豐厚可也僖公二十四年春秋左氏傳子產其餘諸侯則否

曰孔張君之昆孫子孔之後也

昆兄也子孔鄭襄公兄孔張之祖父

執政之嗣也

子孔嘗執鄭國之政盜殺鄭公子騂公子發公孫輒傳曰

疏曰襄十年

子孔當國至十年鄭殺子孔為嗣大夫承命以使周於諸侯國

人所尊諸侯所知立於朝而祀於家

使所吏反卿得自立廟

於家疏曰士以上皆得立廟則孔張雖是大夫亦得立廟而云卿得立廟者以子孔是卿故以卿

言之服虔云祀其所自出之君於家以為大祖案
禮記郊特牲曰諸侯不敢祖天子大夫不敢祖諸
侯而公廟之設於私家非禮也
安得祀所出之君為大祖乎
有祿於國受祿有

賦於軍

軍出卿賦百乘
乘繩證反

喪祭有職

有所

受脤歸脤

脤市軫反

受脤謂君祭以肉賜大夫歸脤謂大

夫祭歸肉於公皆社之戎祭也
疏曰周禮掌蜃

云祭祀共蜃器之蜃鄭玄云蜃大蛤飾祭器之屬
也蜃之器以蜃飾因名焉鄭衆云蜃可以白器令
色白是蜃為器名祭肉盛之脤器以獻遺人因名
祭肉為脤孔張是大夫也而云受脤歸脤故知受
脤為君祭以肉賜大夫歸脤謂大夫祭以肉歸於
公也故周禮祭僕凡祭祀致福者展而受之是在
下之祭有歸脤之義又傳有成子受脤于社前代
諸儒皆以脤為祭社之肉故云皆社之戎祭也劉

炫故違傳證以破先儒以為脤亦祭廟之肉以規杜氏文無所出其義非也然大夫不得私自出軍自祭私社而得歸脤於公者謂大夫奉君命以戎事攝祭於社故社直言祭歸肉於公亦不謂家祭也其祭在廟已有著位

其祭在廟謂助君祭疏曰謂鄭伯其祭在先君之

廟孔張有助祭著位在廟中以有事為業言其所掌有常也服虔以為其祭在廟謂孔張先祖配廟食案周禮司勳云凡有功者銘書於王之大常祭於大烝司勳詔之則配廟食者皆是有功之臣子孔作亂而死公孫泄因妖鬼而立不得有配食在廟昭公十六年春秋左氏傳

孔子

為魯司寇不用從而祭燔肉不至不稅冕而行不

知者以為為肉也其知者以為為無禮也

稅音脫為肉為

無之為去聲 案史記孔子為魯司寇攝行相事
齊人聞而懼於是女樂遺魯君季桓子與魯君
往觀之怠於政事子路曰夫子可以行矣孔子曰
魯今且郊如致膳于大夫則吾猶可以止桓子卒
受齊女樂郊又不致膳俎于大夫孔子遂行孟子
言以為為肉者固不足道以為為無禮則亦未為
深知孔子者蓋聖人於其父母之國不欲顯其君
臣之失又不欲為無故而苟去故不以女樂去而
以膳肉行其見幾明決而用意忠 祭於公不宿
厚固非衆人所能識也 告子下

肉祭肉不出三日出三日不食之矣

助祭於公所
得昨肉歸即

頒賜不俟經宿者不畱神惠也家之祭肉則不過
三日皆以分賜蓋過三日則肉必敗而人不食之
是褻鬼神之餘也但此 朋友之饋雖車馬非祭
君所賜昨可少緩耳

肉不拜

朋友有通財之義故雖車馬之重不拜祭肉則拜者敬其祖考同於已親也此一

節記孔子交朋友

之義論語鄉黨

司巫凡祭事守瘞

瘞謂若祭地祇有埋牲玉者也守之者以祭禮未畢若有事然祭禮畢則

去之春官

右守瘞

大宗伯若王不與祭祀則攝位

與音預下同代行其祭事

王有故疏曰攝

訓為代有故者謂王有疾及哀慘皆是也量人云凡宰祭與鬱人受嘏歷而皆飲注云言宰祭者冢宰佐王祭亦容攝祭此宗伯又攝者冢宰貳王治

事宗伯王祭事容二官俱攝故兩言之凡大祭祀王后

不與則攝而薦豆籩徹

薦徹豆籩王后之事疏曰天地及社稷外神等后夫人不與

此言凡大祭祀王后不與謂后應與而不與又云大祭祀明非羣小祀則大祀者唯宗廟而已則攝而薦豆籩徹者鄭云薦徹豆籩王后之事是王后有故宗伯攝為之凡祭祀皆先薦後徹故退徹文在下也春官

祭僕掌受命于王以眡祭祀而警戒祭祀有司糾百官

之戒具

謂王有故不親祭也祭祀有司有事於祭祀者糾謂校錄所當共之牲物疏曰知此上下是

有故使人祭者觀此文勢得知故云受命於王以眡祭祀既祭帥羣有司反命於王以王命勞之明是王合祭有故使人攝之者也既祭帥羣有司而反命以王命勞之誅其不

敬者凡祭祀王之所不與則賜之禽都家亦如之鄭司農云

王之所不與謂非郊廟尊祭祀則王不與也則賜之禽
公卿自祭其先祖則賜之禽也玄謂王所不與同姓有
先王之廟疏曰先鄭云王之所不與謂非郊廟尊祭
祀則王不與也後鄭不從者案司服六冕所祭皆王合
親為何有非郊廟不與者乎故不從之先鄭以則賜之
禽謂卿大夫自祭其先亦賜之禽後鄭不從者卿大夫
自祭其先是其常事何有王皆賜之禽也故以爲同姓
有先王廟者若然經都家謂畿內三等采地則文云祭
祀是畿外同姓諸侯魯
衛之屬者也夏官

右不與祭 傳君子之祭也必身親蒞之有故則

使人可也

統祭

孔子曰吾不與祭如不祭

與去聲又記

孔子之言以明之言已當祭之時或有故不得與
而使他人攝之則不得致其如在之誠故雖已祭

而此心缺然如未嘗祭也 范氏曰君子之祭七日戒三日齊必見所祭者誠之至也是故郊則天神格廟則人鬼享皆由已以致之也有其誠則有其神無其誠則無其神可不謹乎吾不與祭如不祭誠為實禮為虛

也 論語八佾

祭過時不祭 曾子問曰天子嘗禘郊社五祀之祭簋

簠既陳天子崩后之喪如之何孔子曰廢

既陳謂風興陳饌牲器時

也天子七祀言五者關中言之

疏曰知既陳謂風興

陳饌牲器時也者以下文云當祭而日食則此簋簠既

陳不當祭也既不當祭時明是祭前陳饌牲器也前文

云天子崩后之喪與日食大廟火其禮皆同則此簋簠

既陳日食大廟火亦同也故下云如牲至未殺則廢是

也牲至已殺則行接祭其天子崩后之喪牲入雖殺不

可行接祭以其喪事重故也云天子七祀言五者關中
言之者鄭此注以周禮言之祭法周天子七祀諸侯五
祀大夫三祀五居其中言是諸侯之法舉五而言則上
兼七下通三欲見天子及大夫其祭皆然故云關中言
之關通也謂通取中央而言之經云嘗禘者謂宗廟之
祭也郊社謂天地之祭舉天地宗廟則五祀以上之祭
皆在曾子問曰當祭而日食大廟火其祭也如之何孔
子曰接祭而已矣疏曰接祭而已矣者謂牲至之後則
接祭之也接捷也捷速也速而祭之
如牲至未殺則廢接祭而已不迎尸也疏曰經云如
牲至未殺則廢此云接祭則牲至已
殺之後也案郊特牲云既灌然後迎牲則迎尸於奧在
未殺牲之前此經殺牲後云不迎尸者凡迎尸之禮其
節有二一是祭初迎尸於奧而行灌禮灌畢而後出迎
牲於時延尸於戶外殺牲薦血毛行朝踐之禮設腥爛

之俎於尸前是一也然後退而合亨更迎尸入坐於奧行饋孰之禮是一也此云不迎尸者直於堂上行朝踐禮畢則止不更迎尸而入此謂宗廟之祭郊社之祭無文不迎尸亦謂此時也熊氏云郊社五祀祭初未迎尸之前已殺牲也以其無灌故也故大宰云祀五帝納亨注云納亨謂祭之時又中霤禮皆為俎奠於主乃始迎尸是郊五祀殺牲在迎尸之前也則此不迎尸亦得為祭初不迎尸也

天子崩未殯五

祀之祭不行既殯而祭其祭也尸入三飯不侑醑不酢

而已矣自啟至于反哭五祀之祭不行已葬而祭祝獻

畢而已

飯扶晚反侑音又醑音肴後同既葬彌吉畢獻祝而後止郊社亦然唯嘗禘宗廟俟吉也

疏曰天子諸侯祭禮既亡今儀禮唯有大夫士祭禮以言之案特牲饋食禮祝延尸于奧迎尸而入即延坐三

飯告飽祝侑尸尸又飯至于九飯畢若大夫依少牢饋
食尸食十一飯而畢鄭注少牢云士九飯大夫十一飯
也則其餘有十三飯十五飯也案此說則諸侯十三飯
天子十五飯又案特牲禮尸九飯畢主人酌酒酹尸尸
飲卒爵酢主人主人受酢飲畢酌獻祝祝飲畢主人又
酌獻佐食此是士之祭禮也今約此而說天子五祀之
祭也天子崩未殯五祀之祭不行者以初崩哀感未遑
祭祀雖當五祀祭時不得行既殯而祭者但五祀外神
不可以已私喪久廢其祭故既殯哀情稍殺而後祭也
其祭也尸入三飯不侑酹不酢而已矣者今喪既殯不
得純如吉禮理須宜降殺侑勸也故迎尸入與之後尸
三飯告飽則止祝更不勸侑其食使滿常數也又熊氏
云三飯不侑酹不酢而已矣謂迎尸入與之後尸三飯
即止祝不勸侑至十五飯於時冢宰攝主酌酒酹尸尸
受卒爵不酢攝主故云三飯不侑酹不酢而已者謂唯
行此而已不為在後餘事也自啟至于反哭五祀之祭

不行者謂欲葬之時從啟殯以後葬畢反哭以前靈柩既見哀摧更甚故云五祀之祭不行已葬而祭祝畢獻而已已葬而祭者謂已葬反哭殯宮畢而行其祭但既葬彌吉尸入三飯之後祝乃侑尸尸食十五飯攝主酌尸尸飲卒爵而酢攝主攝主飲畢酌而獻祝祝受飲畢則止無獻佐食以下之事所以然者以葬後未甚吉唯行此禮而已而是語辭也皇氏云已止也又曰經云祝畢獻止謂祝受獻祭禮遂畢止不獻佐食以下云郊社亦然者王制云天地社稷為越紼而行事是與五祀同也趙商問云自啟至反哭五祀之祭不行注云郊社亦然者案王制云唯祭天地社稷為越紼而行事既云葬時郊社之祭不行何得有越紼而行事鄭答越紼行事喪無事時天地郊社有常日自啟及至反哭自當辟之鄭言無事者謂未殯以前是有事既殯以後未啟以前是無事得行祭禮故有越紼行事鄭云郊社有常日自啟至反哭自當辟之者郊社既有常日自啟反哭當

辟此郊社之日郊社尊故辟其日不使相妨五祀既畢若與啟反哭日相逢則五祀辟其日也鄭言天地社稷去殯處遠祭時踰越此絰而往赴之五祀去殯處近暫往則還故不為越絰也云唯嘗禘宗廟侯吉也者謂為嘗禘之禮以祭宗廟侯待於吉故王制云喪三年不祭是也其在喪祭郊社之時其喪所朝夕仍奠知者雜記云國禁哭則止朝夕之奠即位自因喪三年不祭唯也人臣尚爾明天子得也曾子問

祭天地社稷為越絰而行事

絰音弗不致以卑廢尊越猶躡也絰輜車索輜

勅倫反索悉各反疏曰私喪者是其卑天地十稷是其尊今雖遭私喪既殯已後若有天地社稷之祭即行之故云不敢以卑廢尊也越是踐躡之義故云越猶躡也但未葬之前屬絰於輜以備火災今既祭天地社稷須越躡此絰而往祭所故云越絰云絰輜車索者以停住之時指其成體則謂之絰若在塗人挽而行之則謂

之引故鄭注雜記云廟中日緋在塗曰引天地社稷故有越緋之禮六宗及山川之等卑於天地社稷待喪終乃祭故鄭志答田瓊云天地郊社至尊不可廢故越緋祭之六宗山川之神則否其宮中五祀在喪內則亦祭之故曾子問云君薨五祀之祭不行既殯而祭之自啟至於反哭五祀之祭不行既葬而祭之但祭時須人既少衆官不皆使盡去不須越緋故鄭答田瓊云五祀宮中之神喪時朝夕出入所祭不為越緋也天地社稷之祭豫卜時日今忽有喪故既殯越緋行事若遭喪之後當天地郊社常祭之日其啟殯至於反哭則避此郊社祭日而為之案禮卒哭而祔練而禘於廟此等為新死者而為之則非常祭也其常祭法必待三年喪畢也其春秋之時未至三年而為言祭者皆非禮也若杜預之意以為既祔以後宗廟得四時當祭三年大禘乃同於吉故僖公三十三年凡君薨卒哭而祔祔而作主特祀於寢烝嘗禘於廟杜注云新主既特祀於寢則宗廟四

時常祀三年禮畢又大禘乃皆同於吉如杜之意與三年不祭違者案釋例云禮記後儒所作不正與春秋同是杜不盡用禮

王制

曾子問曰諸侯之祭社稷俎豆既陳

聞天子崩后之喪君薨夫人之喪如之何孔子曰廢亦

風興陳饌自薨比至於殯自啓至於反哭奉帥天子

必

利反帥循也所奉循如天子者謂五祀之祭也社稷亦然疏曰帥循也此釋詁文以經云奉循天子案上

天子有祭五祀之文今云奉循如天子諸侯五祀亦如天子故云謂五祀之祭是諸侯五祀如天子五祀也今此諸侯祭社稷其遭喪節制與五祀同故云社稷亦然案天子崩后喪諸侯當奔赴得奉循天子之禮者諸侯或不自親奔而身在國者或唯據君薨及夫人之喪其嗣子所祭得奉循天子者也

曾子問曰

大夫之祭鼎俎既陳籩豆既設不得成禮廢者幾孔子曰九請問之曰天子崩后之喪君薨夫人之喪君之大廟火日食三年之喪齊衰大功皆廢外喪自齊以下行

也

齊衰異門則祭

疏曰不直云大功以上皆廢而

序三年之喪齊衰大功者以曾子問廢者有幾孔子對云廢者有九遂厯序九種之事一一備言此大夫祭者謂祭宗廟故下文云所祭於死者無服則祭是據宗廟也又曰今遭異門其齊衰之祭也尸入三飯不侑醕

不酢而已矣

疏曰若遭異門齊衰之喪其祭迎尸入室但三飯則止祝更不勸侑使至十一但三

飯耳則主人酌酒醕尸大功酢而已矣

疏曰大功服輕祭禮稍備尸三

尸不酢主人唯此而已

飯祝脩至十一飯而止主人酌酒酹尸尸小功總室中
酢主人主人乃停故云大功酢而已矣

之事而已矣

室中之事謂賓長獻長知丈反疏曰小功與總麻其服轉輕祭禮轉備其祭尸

十一飯訖主人酹尸尸卒爵酢主人主人獻祝及佐食
畢次主婦獻尸尸酢主婦主婦又獻祝及佐食賓長獻
尸若平當之祭尸得賓長獻爵則止不舉待致爵之後
尸乃舉爵今既喪殺賓長獻尸尸飲以酢賓賓又獻祝
及佐食而祭畢止凡尸在室之與祝在室中北廂南面
佐食在室中尸西北面但主人主婦及賓獻尸及祝佐
食等三人畢則止故云室中之事而已矣若致爵之時
主婦在房中南面主人獻賓堂上北面皆不在室中其
室中者獻尸祝佐食耳故此注云室中之事謂賓長獻
此小功總麻兼內外知者以前文云內喪大功以上廢
則知內喪小功以下不廢也案雜記云臣妾死於宮中
三月而後祭之此內喪總麻不廢祭者此謂鼎俎既陳

臨祭之時故不廢也若不當祭時有臣妾死於宮中及大夫為貴妾總庶子為父後者為其君總之屬故不祭士之所以異者總不祭

然則士不得成禮者十一疏曰孔子見曾參厯問至大夫必

應及士故因廣舉士以語之大夫唯至大功為九而士又加總小功二等合為十一此亦謂祭宗廟鼎俎既陳而值喪也大夫祭值總小功不辨內外皆不廢祭而禮則小異耳士值總小功不辨外內一切皆廢祭士輕故為輕親所祭於死者無服則祭

謂若舅舅之子從母昆弟疏曰所祭謂士祭

祖禰而死者已雖為總祖禰於死者無服鼎俎既陳則亦祭也又曰此等於已雖服總而於祖禰則無服然此皆母親而得云無服者祭祀以祖禰為主母親於已服總於祖禰無服然此皆母親以父為主也其從母父雖無服已為小功熊氏云亦廢祭也皇氏云以從母於父無服不廢祭也案經云總不祭所祭於死者無服則祭

據總為文似不關小功故鄭以總解之
皇氏橫加小功其義非也 曾子問

大夫士將與

祭於公既視濯而父母死則猶是與祭也次於異宮既
祭釋服出公門外哭而歸其他如奔喪之禮如未視濯

則使人告告者反而後哭

與音預下同 猶亦當為由次於異宮不可以吉與凶同

處也使告反而后哭不敢專已於君命也

使色更反

疏曰此一節明大夫士與祭於公而有私喪之禮則
猶是與祭也者既與祭於公祭日前既視濯之後而遭
父母之喪則猶是吉禮而與於祭也次於異宮者其時
止次異宮不可以吉與凶同處也如未視濯則使人告
者謂未視濯之前遭父母之喪則使人告君告者反而
後哭者必待告君者 如諸父昆弟姑姊妹之喪則既宿
反而後哭父母也

則與祭卒事出公門釋服而后歸其他如奔喪之禮如

同宮則次于異宮

宿則與祭出門乃解祭服皆為差緩也差初賁反又初佳反疏曰既

宿則與祭者宿謂祭前三日將致齊之時既受宿戒雖有期喪則與公家之祭如同宮則次于異宮者若諸父昆弟姑姊妹等先是同宮而死則既宿之後出次異宮不可以吉凶雜處故也又曰案前遭父母之喪既視濯而與祭此遭期喪宿則與祭又前遭父母之喪既祭釋祭服乃出公門此者期喪出門乃解祭服以其期喪差緩於父母故云皆為差緩

雜記下

右廢祭 傳宣公八年夏六月辛巳有事于大廟

仲遂卒于垂

大音泰 有事祭也仲遂卒與祭同日畧書有事為釋張本不言公子因

上行還間無異事省文從可知也稱字時君所嘉
無義例也匪齊地非魯竟故書地為于偽反省
所景反竟音境疏曰有事祭也者謂禘祭也釋
例以昭十五年有事于武宮傳稱禘于武公則知
此言有事亦是禘也祭之日仲遂卒不言禘而畧
言有事者禘事得常不主書禘為下釋祭張本耳
上言公子遂如齊此言仲遂卒不言公子者此書
有事為仲遂卒而書之與上相連猶是一事因上
行還間無異事省公子之又從可知也衛氏難杜
云其間有卒已有事于大廟何得為間無異事秦
氏釋云有事于大廟是為仲遂卒起文止是一事
故云間無異事也既不書公子而稱仲遂者時君
所嘉寵故稱其字非義例也定五年傳季平子行
東野卒于房房是魯地卒於竟內故不書其地匪
是齊地非魯

壬午猶釋萬入去籥

去起呂反注同
籥羊略反釋

又祭陳昨日之禮所以賓尸萬舞名籥管也猶者
可止之辭魯人知卿佐之喪不宜作樂而不知廢
繹故內舞去籥惡其聲聞惡鳥路反聲聞音問
又如字疏曰繹又祭釋天文孫炎云祭之明日
尋繹復祭也公羊傳曰繹者何祭之明日也穀梁
傳曰繹者祭之旦日之享賓也天子諸侯謂之為
繹少牢饋食大夫之禮也謂之賓尸釋詁云繹陳
也是陳昨日之禮以賓敬此尸也公羊傳曰萬者
何千舞也籥者何籥舞也其言萬入去籥何去其
有聲者廢其無聲者知其不可而為之也猶者何
通可以已也是萬為舞名禮明堂位曰朱干玉戚
冕而舞大武干楯也戚斧也此舞者左手執楯右
手執斧故謂之武舞言王者以萬人服天下故以
萬為名詩言碩人之舞云左手執籥右手秉翟鄭
玄云籥如管六孔何休云吹之以節舞也故吹籥
而舞謂之文舞魯人知卿佐之喪不宜作樂故去

其有聲而不知廢繹納舞去籥惡其聲聞也尋杜
注意直云萬舞名又注隱五年亦直云萬舞也下
問羽數則萬是舞之大名不取公羊萬是千舞之
義則執羽吹籥是為萬舞故杜云納舞去籥惡其
聲聞是無干舞籥舞之別名也沈氏云案曾子問
嘗禘郊社簠簋既陳天子崩后之喪廢則卿喪不
廢正祭繹是又祭
為輕故當廢之

左氏曰有事于大廟襄仲卒而
繹非禮也 子由見其故以問孔子曰禮與孔子

曰非禮也卿卒不繹

穀梁子曰仲遂卒于垂

祭于

大廟之日而知仲遂卒垂齊地

疏曰注言此者

解經仲遂之卒繫祭廟之意也仲遂有罪而亦書
日者宣公與遂同罪猶定公不惡意如而書日也
或當辛巳自為祭廟不為仲遂也案公子翬當桓

世無罪則不去公子仲遂非宜惡人而去公子者
翬非桓罪人故生存不去公子之號仲遂於宣雖
無罪死者人之終若不去公子嫌其全無罪狀故
去之若然何以不去日者既替其尊號則罪已明
故不假去日也傳稱公弟叔仲賢也遂非賢而稱
仲者杜預云時君所嘉何休云稱仲者起嬰齊所
氏范雖不注理未必然蓋以遂見疏而去公子經
不可單稱遂卒遂於後以仲為氏故稱仲遂卒也
然仲遂以罪見疏即見是罪惡之臣而譏宣公不
廢釋者宣公與遂同心釋祭之時則納舞去籥而
為之故所為若反命而後卒也先書復後言卒使
以譏也若遂已反命于君

而後卒

此公子也其曰仲何也疏之也

傳曰大夫

不言公子公

何為疏之也是不卒者也

遂與宣公

孫疏之也

共弑于赤

不疏則無用見其不卒也

若書公子則與正卒者同故去公子以見之

則其卒之何也

據公子翬不書卒

以譏乎宣也其譏乎宣

何也聞大夫之喪則去樂卒事

去籥萬卒祭事言今不然

壬午

猶繹猶者可以已之辭也繹者祭之旦日之享賓

也

疏曰旦日猶明日也何休云繹者繼昨日事但不灌地降神耳天子諸侯曰繹大夫曰賓尸士

曰宴尸則天子以卿為之諸侯則以大夫為之卿大夫以孫為之夏立尸殷坐尸周旅酬六尸唯士

宴尸與先儒少異則范意或與何同也案少牢饋食之禮卿大夫當日賓尸天子諸侯明日賓尸者

天子諸侯禮大故異曰為之卿大夫以下禮小故當日即行其三代之名者案爾雅云夏曰復昨殷

曰彤周曰繹是也謂之復昨者復前日之禮也謂之彤者彤是不絕之意也謂之繹者繹陳昨日禮也何休又云禮大夫死為廢一時之祭有事於廟而聞之者去樂卒事而聞之者廢繹今魯不以為譏范意當萬入去籥萬舞名籥管也以其為之變譏之也亦然也

內舞去籥惡其聲聞此為卿變於常禮是知其不可而為之

公羊子曰萬千

舞也

千謂楯也能為人扞難而不使害人故聖王貴之以為武樂萬者其篇名武王以萬人服

天下民樂之故名之云耳疏曰欲言其樂文無樂名欲言非樂祭祀用之故執不知問云武王以萬人服天下民樂之故名之云爾者春秋說文昔武王一會八伯諸侯人數豈止萬而已蓋以萬是總名故據籥者何籥舞也籥所吹以節舞也吹籥以言耳而舞文樂之長疏曰

欲言非樂籥是樂名欲言是樂臨祭見去故執不知問云吹籥而舞文樂之長者正以萬是武樂入而用之而其言萬入去籥何據入者不言萬去樂籥特備矣

不言名者即昭十五年二月癸酉有事于武宮籥入叔弓卒去樂卒事是也去其有聲

者不欲令人聞之廢其無聲者廢置也置者不去也齊人語存其心焉

爾存其心焉爾者何知其不可而為之也明其心猶存於

樂知其不可故去其有聲者而為之疏曰欲道存心于樂而有去籥之文欲道存心于股肱而釋

萬不廢故執不知問猶者何通可以已也禮大夫死為廢一時之祭有事于廟

而聞之者去樂卒事卒事而聞之者廢釋日者起明日也言入者據未奏去籥時書凡祭自三年喪

已下各以日月廢時祭唯郊社越紼而行事疏
曰欲言是禮書而譏之欲言非禮乃當正祭之明
日故執不知問云禮大夫死為廢一時之祭者正
以正祭為吉事也有事于廟而聞之者即昭十五
年二月癸酉有事于武宮籥入叔弓卒去樂卒事
傳云其言去樂卒事何禮也君有事于廟聞大夫
之喪去樂注云恩痛不忍舉卒事而聞之者即檀
弓下篇云仲遂卒于垂士午猶繹萬入去籥仲尼
曰非禮也鄉卒不繹是也注言入者據未奏去籥
時書者欲追所以不言萬作而言萬入之意也凡
祭自三年喪已下各以日月廢時祭唯郊社越紼
而行事可者即王制曰喪三年不祭唯祭天地社
稷為越紼而行事鄭注云不敢以卑廢尊越猶躡
也紼輶車索是也春秋左氏傳家語公羊穀梁
傳通

修

昭公十五年二月癸酉有事於武宮籥入

叔弓卒去樂卒事

去起呂反卒起也武宮魯武公廟成六年

略書有事為叔弓

復立之

為于偽反復扶又反

疏曰有事謂有

祭事于武公之宮廟也

祭必有樂樂有文舞武舞

文執羽籥武執干鉞其入廟也

必先文而後武當

籥始入叔弓暴卒故於是去樂不用而終卒祭事

也叔弓之卒當籥入之時故舉籥入也及其去之

則諸樂皆去故云去樂鐘鼓管磬悉皆去之非獨

去籥舞也祭禮鼎俎既陳籥豆既設然後舞樂始

入緣先祖之心以大臣之卒乃聞樂不樂又孝子

之心不忍徹已設之饌故去樂卒事又曰閔二年

吉禘于莊公僖八年禘于大廟彼皆書禘此傳言

禘于武公則亦是禘不書為禘而言有事者此經

所書不論禘祭是非略書有祭事者本為叔弓卒

起也止為叔弓之卒須道當祭之時所書不為禘

也釋例曰三年之禘自國之常常事不書故唯書

也釋例曰三年之禘自國之常常事不書故唯書

此數事祭雖得常亦記仲遂叔弓之非常也是言叔弓之卒非常故書之也釋例亦云凡三年喪畢然後禘於是遂以三年為節當仍計除喪即吉之月卜日而後行事無復常月也是以經書禘及大事傳唯見莊公之速他無非時之譏也即如例言三年一禘若計襄公之薨則禘當在二年五年八年十一年十四年此年非禘年也若計齊歸之薨則禘當在十三年十六年此年亦非禘年也而云祭雖得常者釋例曰禘于大廟禮之常也各于其宮時之為也雖非三年大祭而書禘用禘禮也昭二十五年傳曰將禘于襄公亦其義也是言于武宮者時之所為實非禘年用禘禮此實非常但經書唯譏莊公之速其餘不復譏也既不以為譏即是得常故云祭法得常叔弓為非常也武宮者魯武公廟毀已久矣成六年復立之即不毀明堂位云魯公之廟文世室也武公之廟武世室也鄭

玄云此三廟象周有文武之廟也世室者不毀之名
是魯以武公為不毀之廟故禘于其宮不二大廟
亦非常也左氏曰禘叔弓泄事簫入而卒去樂卒事禮

也大臣卒故為之去穀梁子曰君在祭樂之中聞
樂為于偽反

大夫之喪則去樂卒事禮也

祭樂者君在廟中祭作樂疏曰禮則不

疑而曰有變以聞可乎似有嫌嫌則非禮何以言禮也祭祀重禮國之大事一物不具則為失所以卿佐之卒而闕先君之樂而不止祭嫌有失禮釋之復言可乎問言禮意君在祭樂之

中大夫有變以聞可乎

變謂死喪

大夫國體也

君之卿佐是謂

股肱故曰國體

古之人重死君命無所不通

死者不可復生重莫大焉

是以君雖在祭樂之中大夫死以聞可也疏曰
命告也大夫與君一體情無疑貳祭祀雖重以卒

告君君當哀其喪而止祭不
得以輕廢重故死可以聞也
公羊子曰其言去

樂卒事何

據入者言萬去箭言名不言卒事
曰據入者云云也者即宣八年夏六月

卒已有事于大廟仲遂卒于垂壬午猶繹萬入去
箭是也然則彼乃入者言萬此則入者言箭彼則
去箭言名此則漫言去樂而已彼又禮也以加錄
不言卒事與此異是故弟子據而難之卒事即

非禮但當言去樂而已若去
箭矣總言樂者明悉去也
君有事于廟聞大夫

之喪去樂

恩痛不忍聞也

卒事

畢竟祭事

大夫聞君之喪攝主

而往

主謂已主祭者臣聞君之喪義不可以不即
行故使兄弟若宗人攝行主事而往不廢祭

者古禮也古有分土無分民大夫不世已父未必為今君臣也孝經曰資於事父以事君而敬同

疏曰主謂已主祭云云者謂已於廟內主其祭事者矣云古有分土無分民知如此者正以詩云誓將去女適彼樂土論語云四方之民襁負其子而至矣之言故也大夫不世者謂凡平大夫也不得以有功德大夫難之注孝經至敬同又曰何氏之意以資為取言取事父之道以事君所以得然者而敬同故也以此言之則何氏解孝經與鄭稱同與康成異矣云云之說在孝經疏大夫聞

大夫之喪尸事畢而往

賓尸事畢而往者為卒日疏曰賓尸事畢而往也

者正以禮大夫祭謂之賓尸故也云日為卒日者正以春秋之義失禮鬼神例日今非失禮知日為

卒

春秋左氏公

羊穀梁傳通修

衛有大史曰柳莊寢疾公曰

若疾革雖當祭必告

革居力反革急也

公再拜稽首請於

尸曰有臣柳莊也者非寡人之臣社稷之臣也聞

之死請往

急弔賢者

不釋服而往遂以禭之與之邑裘

氏與縣潘氏書而納諸棺曰世世萬子孫毋變也

縣音玄潘普干反

脫君祭服以禭臣親賢也所以此禭之者以其不用襲也凡禭以斂所以厚賢

也裘縣潘邑名

疏曰此一節論君急弔臣之事

柳莊為衛大史今寢疾其家自告公報之曰若疾

急困雖當我祭必須告也其後柳莊果當公祭之

時卒而來告公公祭事雖了與尸為禮未畢公再

拜稽首請於尸曰有臣柳莊也者才能賢異非唯

寡人之臣乃是社稷之臣今聞之身死請往赴之

又不釋祭服即往哭遂以所著祭服脫以禭之又與之采邑曰裴氏及縣潘氏與二邑又書錄其賞辭而納之棺云世世恒受此邑至萬世子孫無有改變案禮君入廟門全為臣請尸得言寡人者是後人作記者之言也又曰案士喪禮君使人禭不云祭服禭臣今君以祭服禭故云親賢也得以祭服禭之者禮諸侯玄冕祭廟大夫自玄冕而下以其俱是玄冕故得禭也祭服既尊得以禭臣者以其臣卑不敢用君禭衣而襲之也所以不用襲者襲是近尸形體事褻惡故不敢用君之禭衣也案士喪禮云君禭衣及親者及庶兄弟之禭皆不用襲故士喪禮云庶禭繼陳不用注云不用不用襲也至小斂則得用庶禭故士喪禮小斂凡十有九稱陳衣繼之不必盡用鄭云陳衣庶禭也既云不必盡用明有用者至大斂得用君禭故士喪禮大斂君禭祭服散衣庶禭凡三十稱又云君禭不倒

是大斂得用君禭也凡禭以斂者謂庶禭以小斂君禭以大斂也鄭言此者明禭衣不用襲也檀

弓公父文伯之母季康子之從祖叔母也祖父

之康子往焉闔門與之言闔尤逼反闔皆不踰

闔闔門限也皆二人也敬姜不踰闔而出康子不踰闔而入傳曰婦人送迎不出門見兄弟不踰

闔是祭悼子康子與焉悼子穆伯之父敬姜也先舅也與與祭也酢不

受徹俎不宴禮祭主人獻賓賓酢主人不受敬姜不親受也祭畢徹俎又不與康子宴飲

宗不具不繹繹又祭也唐尚書云祭之明日也昭謂天子諸侯曰繹以祭之明日卿大

夫曰賓尸與祭同日此言繹者通言之也賈侍中云宗宗臣主祭祀之禮不具謂宗臣不具在則敬

姜不與
繹也

繹不盡飫則退


說云飫宴安私飲也昭謂立曰飫坐曰宴言宗具則

與繹繹畢而飲不盡飫禮而退
恐有醉飽之失皆所以遠嫌也

仲尼聞之以為別

於男女之禮矣

國語魯語



儀禮經傳通解續卷二十七下